



Абадлийсса аьпа

● Украиннал аьршарай нанисса хасъсса аьралий операциялий чувшиврий жанну дуллусса лакрал вирттаврал цIарду.

7
лаж.



№7
(2173)

23 ФЕВРАЛЬ 2023 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкIсса 1917 ш.
Цунил итабакьлан бивкIсса 1991ш.

Аьрасатнал Президентнал Федерал Собраниялийнсса Рисала



3 лаж.

Ватандалул Виричусса арс дакIнийн утлай

Украиннайсса хасъсса аьралий операциялийсса чувшиврухлу Аьрасатнал Виричунал цалчинмур цIа дуллуссар НурмаIаммад XIажимаIаммадовлун.



6 лаж.

Февральданул 24-нийн Украиннайсса хасъсса аьралий операциялий Аьрасатнал Виричу НурмаIаммад XIажимаIаммадовул жан дулуну шин хьунтIий дур.

Аьрасатнал Обороналул управлениялул национал центрда-ний хьунни цаппара аьралуннал генералтуран ва хьуними XIаписартуран ларайсса чинну дуллалисса шаддугьрал мероприя-тие. Чинну дуллая ия Аьрасатнал обороналул министр армиялул генерал Сергей Шойгу.

Жула миллатрал арснан дулунни генерал-майорнал цIа



Анриана АБДУЛЛАЕВА

Сухраб АхIмадов

Ларайсса чин ларсминна-вух жула лаккучу Сухраб АхIмадовгу ур. Ванан дуллунни генерал-майорнал чин.


Султанул арс Сухраб АхIмадов увну ур 1974 шинал декабрь зурул 23-нийн Грозныйлий КIихIарчIиял шяравасса кадрдал XIаписар Султанул ва Ппалассуннал шяраватусса Анисатлул кулпатраву, аьраличунал оьр-

мугу ванан оьрчIинияцава KIулу бур. ЦинявIпа аьралитурал кулпатру кунма, вайннал кулпатгу, буттал кьуллугьрацIун бавXIуну, личIи-личIисса кIантурдайн тIайла буккайсса бивкIун бур. Сухраблунгу, Грозныйлия тIайла хьуну, Майкопрай, Москвалив, Томскалий, Новосибирскалий ду-клан багьну бур.

➔ Ахир 2 лаж.

Февральданул 20-ний ДР-лул Хикуматрал председатель Абдулмуслим Абдулмуслимов кьулдугьрал аьрхилий увкунни Азирбижаннайн. Ва хьунаавкьунни Азирбижаннал Республикалул премьер-министрнал хьиривчу Шахин Мустапаевлушал.

Азирбижаннал ва Дагъусттаннал дянивсса кьутИ



Абдулмуслим Абдулмуслимов хьанай ур Азирбижаннал Республикалул ва Аьрасатнал Федерациялул Дагъусттан Республикалул экономикалул ва гуманитар хала-гьуртуну зузаврил Хикуматиртгал дянивсса комиссиялул Дагъусттанналмур бутлул председателюну, Шахин Мустапаев ур комиссиялул Азирбижанналмур бутлул бакIчину.

Ва ххуллхсса хьунабакьаврий кици бунни кIрагу паччахIлугьрал дянивсса дахIавуртту лядуккуну най душиву.

Хьунабакьаврий кIивагу чулхаллил кьулбасру дунни 2023-2025 шиннардий Дагъусттан Республикалул ва Азирбижаннал Республикалул дянив агьамми арарду лядуккавил Давуртгал пландалий. Пландалий ляличИсса кьулагьас дулай бур машлул ва экономикалул ххуллийсса давуртгал лядуккулух ва инвестицияртту дучIан дав-

рил иширтгах. Пландалий бур мукунма «Ухсав-Кьибла» транспортрал коридорданул ишру лябуккан бавриву хIала-гьуртуну зузаву, кIрагу республикалул дянив культуралул ва гуманитар дахIавуртту лядуккан даву, агропромышленностьрал комплексрал арардаву хIала-гьуртуну зузаву ва цаймигу масьалартту.

Мукунма пландалий бур Расул ХIамзатовлул 100 шинал юбилейран хасьсса шадлугьру Азирбижаннайн даву ва Азирбижаннал лидер Гьайдар Аьлиевлул 100 шин шаврил ва ПаччахIлугьрал ишккаку Аьзиз Аьлиевлул аьпалунсса мероприятияртту Дагъусттаннайн дуван ккаккан бувну.

Абдулмуслим Абдулмуслимовлул барчалагь кунни Азирбижаннал вакилнахь, ненттабакI тивтIуну кьамул аврихлу.

**ХIадур бувссар
ХI. АьДИЛОВЛУЛ**

Ниттил мазру ябаврил ххуллий

Февраль зурул 17-ний Миллатиртгал политикалул ва диндалул иширтгалсса буллалисса министрствалул конференциярду дай залдану хьунни шаллагу дуняллий февраль зурул 21-ний кици лагайсса Ниттил мазурдил кьинилун хас дурсса конференция.



П. РАМАЗАНОВА

Ва мероприятиялий гьуртту хьунни министр Энрик Муслимов, Дуняллул халкьуннал Жьаматийсса палаталул сопредседатель Александр Ольшевский, Халкьуннал Мажлисрал депутат Шамил Оьмаров, ДГУ-лул ниттил мазру лахьхьаврил центрданул директор Марина ХIасанова, «Уздени Дагестана» тIисса жьаматийсса ккурандалул хьунама Каримхан Умаханов, вузирдал преподавательгал, чичулт.

Конференциялул лагрулий хьунни кици лавгсса министр-

ствалул кабаьхьаврийну Ниттил мазру лахьхьаврил центрданул итабавкьусса луттирдал презентациягу.

Энрик Муслимовлул кици лавгуна цува каялушиву дуллалисса министрствалул мундангу хьуннасса кьулагьас душиву ниттил мазурдих, итабакьайшиву луттирду ва ми луттирду буккултрача кьиматрай бикIаннав, кувнал кувнахьхьун булла ккаланнав тIий ушиву. Марина ХIасановалгу бувсуна ниттил мазру ябаврил ххуллий центрданул дуллалисса давурттая, итабавкьусса словардая.

Жула миллатрал арснан дулунни генерал- майорнал ца



Сухраб АхIмадов армиялул генералтал Валерий Герасимовлушал ва Сергей Суровикиннушал

➔ Дайдихьу 1 лаж.

Школа кьуртал бувну махь увххун ур Новосибирскалийсса аьралий училищалувун. Училищалуву дуклакисса шиннардий, хьхьичIунсса курсант хIисаврай, ва гьуртту хьуну ур ЯтIул майданнив Ххувшаврил парадрай.

Училище кьуртал бувну махь, 1996-ку шиная айивхьуну, кьулдугь булла ивкIун ур Аьрасатнал аьралуннаву, танкардал, флотрал, разведкалул ва цаймигу аьралий гужирдаву.

Кьулдугьрал увцуну, цала кулпатрашал ва икьавсса кIану бакьар, кьиблалул дазурдая, Сибирнаву иянин.

2005 шинал Фрунзе шагьрулий кьуртал бувну бур Аьралуннал академия, 2018 шинал – Генеральный штабрал академия.

Бивтун бур взводрал командирнай бияннинсса аьраличунал ххуллу. Ва бигьа бакьасса ххуллий Сухрабул лайкь дурну дур личИ-личИсса наградартту. Миннувах - Кьучагьшиврул орденгу.

Аьралитурал дянив сий дусса, циняв аьралий гужру гьуртту шайсса бяст-ччаллаву, Сухрабул каялувшиннаралусса экипажиртгал мундан хьхьичIунсса кIанттурду бугьайсса бивкIун бур.

Цана Сухраб хасьсса аьралий операциялуву гьуртту хьанай ур. Аьраличунал бур кулпат, шанма оьрчI ва кIия оьрчIал оьрчI. Ванал арсналгу, буттал ва ттатгал шаттирдайх лавгун, аьраличунал ххуллу язи бувгьуну бур.

Дурмунил ва данмунил хIасиллу

Февраль зурул 21-ний МахIачкьалалив «Аьрасат – ттул тарихри» тIисса музейраву хьунни ДР-лул ЗахIматрал ва социал лябуккулул министрствалул ларгсса шинал даврил хIасилла ва 2023 шинал хьхьичI бивхьусса агьамсса масьаларттая булласисса коллегиялул заседание.

Имара САИДОВА

Шикку гьуртту хьунни ДР-лул Хикуматрал председательнал хьиривчу АьвдурахIман МахIмудов, ДР-лул захIматрал ва социал лябуккулул министр Мурал Казиев, ДР-лул Халкьуннал Мажлисрал Циулушиву дурчаврил, захIматрал ва лябуккулул политикалул комитетрал председатель Илияс Маммаев, республикалул властьрал органнал, жьаматийсса идарарттал, иХIсандалул фондирттал ва ведомстварттал биялдарайсса идарарттал каялувчитал.

Коллегиялул даву дайдихьлай, Мурал Казиевлул балжину бувсунни ЗахIматрал министрствалул биялдарайсса идарарттал дачин дурну диркIсса агьамми проектирдава ва гьашинусса шинал бартбигьин хьхьичI бивхьусса масьаларттая.

«Ларгсса 2022 шин дия экономикалул дурхIусса ссускушуннарду дусса. МуницIун бавхIуну, щаллу бан аьркинну бия агьалинансса социал ку-

маграл, льготардал ва компенсациярттал масьалартту. Кици лавгсса масьалартту дузал бувссар «Содействие занятости населения», «Социальная поддержка граждан», «Обеспечение общественного порядка и противодействие преступности», «Обеспечение доступным и комфортным жильем и коммунальными услугами граждан Российской Федерации» тIисса паччахIлугьрал программарттал ва «Демография» тIисса миллатрал проектрал лагрулий», – увкунни Мурал Казиевлул.

Ванал мукунма кици лавгунни 2022 шинал, агьалинан социал чулхусса кумагру булла байбивхьунна шийнмай, кIилинуну чан хьушиву дау дакьа бивкIсса инсантурал сияхI (2022 шинал январь зуруй 34 азара инсан дау дакьаминнал сияхIрай ивкIхьурчан, 2023 шинал январь зурул 1-ний ва аьдад 16, 2 азара инсаннай дирну дур).

Ахирданый министрствалул биялдарайсса идарарттал хьхьичIунсса зузалтран дуллунни хIкуматрал наградартту.

Дуняллул гьунттулу ЦIусса хаварду ца-кIива ххуттайну

БЛОГЕР – АРЦУ ЛЯКЬУ

● «Forbes» журналданул баян бунни дагъусттаннал блогер Хасбулла МахIаммадовлул (ва Хасбик тIий машгьурну ур) шанна шинал мутталий кIива миллион доллардал лявкьушиву. Кьура шинавусса, чурххал кутIасса (93 сантиметра дусса) Хасбик машгьур хьанай авчуну ур 2019 шинал. 2022 шинал тIурча, ванал UFC-лушал кьутИ цаьк дурну дур. Ларгсса шинал ноябрь зуруй Аргентиналий машгьурсса блогер Буэнос-Айресрал театрдану фанатьтурашал хьунаавкьуну ур, ва шоулий, кIива журналданул информациялийн бувну, Хасбиклул 347 азарва доллар лявкьуну бур.

ТАМАШАССА ИШИРТТАЯ

● Турциянаву аьрши сукку хьуну махьсса эялلال лувату ацIина кIива-шанма гьантлува ххассал бувултрал сагьсса инсанталгума буккан бувну бур. Зарзала дагьну 384 ссят ларгун мукьа ххассал бувну бур 90 шинавусса хьамитайпагу, мунил 70 шинавусса аргсу.

ЕГЭ-РДУ ДУКЬАН ДУВАН

● Аьрасатнал ПаччахIлугьрал депутат Султан ХIамзаевлул маслихIат бунни вузирдавун дуклан буххаву хьхьичIарасса кьайдалийн дуцин, ЕГЭ-рду дукьан дуван. «На жула оьрчIру кьагь-байтурман буллалисса, ялув дурхIусса тестру дукьан дуван аьркинссар тIий ура», – увкунни ванал «НОВОСТИ» РИА-лухь.

ВЕНЕЦИЯНАВУ – КЬУРАГЬШИВУ

● Венециянаву шинал каналлу кьаькьай душиву баян бунни тайннал СМИ-лул. Марххалтту, гьараллу чан хьуну, неххардийсса шингу чан хьуну, шин сайки дачИ метралул лагь хьуну, гондоларду, жамирду гьузун кьабухлай бусса бур каналлавун. Аьпа зунтурдай 53% марххала чан хьуну, неххардил шинал луртаннугу 605-лла чан хьуну дур. Элмийсса центрданул зузалтрал баян бунни, шинал масьала хьхьичIва куцуйсса даражалий сантирайн багьаншиврул, 50 гьантлий бакьавцIуну буллалисса марххала ягу микссара гьараллу аьркинну душиву.

**ХIадур бувссар
П. РАМАЗАНОВАЛ**

Аьрасатнал Президентнал Федерал Собраниялийнсса Рисала

Владимир Путин февральданул 21-нний Рисалалушчал лаивзунни Федерал Собраниялийн. Вайнна мива язи дургьусса цаппара тезисру.

В.ПУТИН:
Хурмат бусса Федерал Собраниялул депутатгал-сенаторгал, Паччахьлугьрал Дума-лул депутатгал!
Хурмат бусса Аьрасатнал инсантал!

Хакьинусса Рисала на ккалай ура жула билаятран захматсса, шалла дуньяллий хьунисса даханашивуртту хьанахьисса, тарихраву агьамсса ишру хьанахьисса чумал. Ми иширтгал ккаккан бувантиссар жула билаятрал, жула халкьуннал ялун бучантимур.

Ванияр ца шиная хьхьич, тарихраву жула диркисса аьрщарайсса инсантал буроччаву мурадрай, жула билаятрал мюхчаншиву шаллу даншиврул, Украиннавусса неонацистьтурал низамрая нанисса нигьачлаву духлаган даву мурадрай, хукму хьуну бивкиссар байбишин хасьсса аьралий операция.

Жува, чан-чанну тий, дузал булланну жула хьхьичисса маьсарарту.

2014 шиная шийнмай Донбасс талай бия Киеврал низамрашчал, цала аьрщарай ялапар хьунисса ихтияданухлу. Донбассрал инсантал вихну бия Аьрасат бучаншиврийн кумагран.

Жува буссар жушава шайсаксса хларачат му масьала бакьуну дузал буван, ссаур дуну булла бивкису машварарту, му захматсса кьалмакьалданува дахьаврийну чулийн букканмур булла. Амма жула тиликграх хладур хьанай бия цайми иширт-



тайн. Баргьлагавал билаятиртал бакичитал хьарду булла бия, Донбассрай дахьаврийн хладур хьанай бушиврия буслай, амма иширайну шялмахьру буслай, чун лахьи дуккан дулла бия. Миннал кьаклул мишан дулла бия Киеврал низамрал литлатишиву, репрессияртту дуллаллишиву, хьин чулий ккаклай бия Украиннал неонацистьтурал Донбассрай террорданул ишру бартбигьлагьаву.

США-нал ва НАТО-лул ана-

вархьиндарай жула билаятрал дазурдачла бихьлай бия цалва аьралуннал базарду, кьюттисса биолобараторияртту, Украина хладур булла бия хьунмасса дяввийн. Хакьину миннал буслай бур ми иширтгая ялунма ливчуну, нач дакьа, ваца пахрулий кунма.

Миннал дявви байбихьуссар, жува турча, гуж ишла буллалиссару та бацан буван.

Украиннаву кьалмакьал дайдишаврил, тикку инсантал литлатаврил жаваблывишу

дагьлагьиссар баргьлагавал билаятиртгал бакичитурин ва Киевуллул низамрайн.

Хаварду бия жула экономика 20-25 процентрал яларай дагьантиссар тисса. Уттигьанну жува бияв тий – 2,9 процентрал. Чансса махь – 2,5 процентрал. ВВП 2022 шиная яларай дагьунни 2,1 процентрал-ми яла махьми ккаккьярттур. Ларгсса шиная билаятрал экономикалул граждан бутрал (отраслирал) хьус дуккан даву, чан кьадаврийр ххишала, ялунгума гьарза дурну дия. Жула билаятрал ттизаманнул тарихраву кьатри даврил лагру цалчун 100 млн квадрат метрардаха лирчуну дур.

Ларгсса шиная Аьрасатнал хьузатрал ларсун дур яла чиярумур баклахьия: 150 млн тонналияр ххишаласса баклахьия кьалмул, миннувах 100 млн тонналияр ххишаласса лачла. Гьашинусса шиная ахирданийннин жува даххан най буру 5560 миллион тонна кьалмул.

Захматрал рынокрай ттизаманнул тагьарданува хьунисса дахханашиву хьуну дакьар. Пандемия хьуннин даву дакьашиву жучлара дия 4,7 процент, цана турча 3,7.

Цукунсса ххулурду язи бугьан аьркинссар жува ттинияр тихуннайсса давурттаву?

Гьарта дулланну агьамшиву дусса кьатлаллил экономикалушчалсса дахлавуртту ва дулланну цусса логистикалул коридорду. Хукму хьуссар лахьи буккан буван анаварсса автома-

гистраль Москва-Казань Екатеринбург, Челябинский ва Тюменский биянцла, яла-Иркутский ва Владивостокский, Кьазахьистанский, Монголнаун ва Китайнаун букканшиврул.

Лябуккан булланну Лухи хьхьирил ва Азовуллул хьхьирил портру. Хьунисса кьулагьас дулланну дуньялул халкьуннал Север-Юг коридорданух. Ттинияр тихуннайгу бардигьланну украсса газификациялул программа. Утти хукму хьуссар газрал дузал буван социал объектуру.

Гьашинуния махь дайдихлахьиссар ЖКХ-лул система даврил ва дакьин даврил хьунисса программа.

Жунма аьркинссар тамансса гьарта буван Аьрасатнал экономикалул технологиялул бюхьурду. На лаизлай ура жула бизнесрал вакилтурин. Байбихьияра бардигьлай цусса проекту, кьажанжу дуллалияра, арцу дихьлахьияра Аьрасатнаву, инвестицияртту дуллалияра жула идараттаву ва зузи кантурдаву, кумаг буллалияра школартан ва университеттан, эмулун ва цулушиву дуруччаврин, культуралун ва спортран.

Хлала-гьурттуну зунну дустурашчал, цачу зун хладурминнашчал, миннацла лахьланну гьарца хьинмур, амма чул бишланну жулами каширдайн.

Гьашину сентябрьданий хьунтиссар влаьтлар кантул ва регионал органнавуссавувчлавуртту, 2024 шиная хьунтиссар Президентнал бувчлавуртту, закондалуцун даркьуну, циньяв демократиялул ва Конституциялул процедурартту дуруччуну.

**Хладур буссар
Х.АБДИЛОВЛУЛ**

Владимир Путиннул увкунунил хьирив

Юсуп МАХИММАДОВ, Лакрал райондалул хьунама:

– Президентнал балжийну бусунни хасьсса аьралий ишру байбишинсса багьана-савартту цукунсса диркиссарив. Жува пахрулий буссару чувшиврий, кьанкьану бавцуну, аьралий масьалартту бартбигьлагьисса жула вирттаваря. Ва кьабигьасса ппурттуву балаллул жула агьали лагма лаган бунни, гьан бунни. Агьалинал цашиву, хьхьич ирглий, аьлтга члалай дур аьралий миннан ва аьралитурал буллалисса кумаграйн. Хасьсса аьралий ишру байбихьуния шийнмай талаталтран аьркинмур датлаву аглан хьун кьариртунни, гьилисса лахьия, дука-хлачанмур, аьркинмур ххилай бур. Президентнал чурчлав дунни социал даража гьаз буввариху хьунисса кьулагьас душиврий, цу-цусса школартту ва аьрчансса багьру, культуралул, цулушиву дуруччаврил учреждениартту булла бур, бакьин буван багьайми бакьин булла бур. Ва кану хисавравун лавсун, жул райондалийгу сайки

циньяв школарту бакьин буссар, аьрчансса цусса багь булла буссар. Ва ялагу, Аьрасатнал агьалинан ххуйсса аьрму дузал бувансса программардаягу бусунни Президентнал. Ларайсса кьулшиву дулаврил системалува дахханашивуртту дуван багьлай бушиврийгу авцунни.

Сулайман РАМАЗАНОВ, Цуссалакрал райондалул хьунама:

– Президентнал чурчлав дунни хасьсса аьралий иширттаву гьуртту хьанахьими чувшиврий ва сивсуну Ватандалул мурадру буроччлай бушиврий ва миннай барчаллагьрай ушиврий. Бусунни вайннал чларав бацлаву мурадрай дуллалисса давурттая, хасну аьрай ливтциириннал кулпатиртан кумаг буллалисса паччахьлугьрал фонд хласул дувантшививу, циньяв аьралитуран дачи шиная лажиндарай цал бигьалагансса, 14 гьантлийсса, отпук булавантшививу, ххуллийхмур чун хисав кьадурну. Жула муттаэтурал санкциярал кьатри

бизларчагу, Аьрасат ласука бивхуну кьаливчунни. Ларгсса шиная гьашинугу жува агьамсса объекту булла бур, ххулурду буллагу, бакьин буллагу бур, коммунал инфраструктура ххуй дулла бур. Социал выплатартая захматсса тагьарданува гьарца гьарца кумаг бур. Жува хакьину Ватан дуручлай буссару, так жул Цуссалакрал райондалу СВО-лул зоналий 300 талатала уссар: контракт цакь дурссагу, аьрайн бувцуссагу, цивппа жушрай лавгьсагу аьмну хисав буну. Жула талаталтран федерал кумаг буссар. Ва кумаграхлу Аьрасатнал Президентнай барчаллагьрай ура, талаталтрану Донбассрал агьали буроччлансса гьира бутлатиссар, миннан аякь асар хьанахьиссар. Жувагу кану-кантурдай хларачат булланну Президентнал хьхьичун лавьсса мурадру сантирай бартбигьлан.

Шамил РАМАЗАНОВ, Ккулрал райондалул хьунама:
– Президентнал Рисала жува

дайдирухьсса давуртту бакьун дуккан дувантшививрий дакьла кан буллалисса дия. Тагьар, гьай-гьай, бигьасса дакьар билаятрай, дакьанугу, мудан кунма, хьхьичун лавьсса масьаларттавух дия социал тагьар. Гьанайсса, инсангу, ганахасса аякьагу хьхьич ххуттай. Президентнал программалува райондалул экономика, социал тагьар сантирай ва лябуккулий хьхьичуннай хьананшиврул кабакь бувансса кантту бия. Даки дарцуну ура, жува цахуну, дакьругу, пикригу ца буну кьущу тьутлаврийну жува духхинтшививу, билаятрал бакьинал хьхьич ххуттайн лавьсса масьалартту, билаятрал лагрулийсса бикьу, райондалул лагрулийсса бикьу, бартбигьинтшививу. Цукунчавсса санкциярду ва бурмарду чувин буллалавуртту жуна кьадахчинтиссар, Аьрасатнал тарихрава исватну члалай буссар кьадахчинтшививу. Жула цашиврул, ссаву ци буссарив бувчлавиллаву жунма кумаг бувантиссар ччими иширттава узданну буккан. Жува мадад кьабулунтиссар. Мукунни бивкисса тарихрал лахьивив-

рий, яки булла аьдатсару, уттигу мукунма яки буллалиссару ва буллантиссару.

Назим БАЛАМИРЗОВЕВ, ДГТУ-лул ректор:

– Кьулшивуртту дулавриву «Болонская системалийн» бучлаврил хласиллу жунна ччикунсса кьархьунни, учинуча, жуйнна кьадаркьунни му «чухьа». Хьхьичлара жучлара диркисса кьулшивуртту дулаврил системалийн занабикларча, жула билаятрал лаваймур школалул потенциал багьайкун ишла буван ва бартбигьин хьуниссия. Президентнал кантту лавгунни аьдатрайсса системалийн бучлаву хлаллицихьсса диклан аьркиншиву, цанакул дулкакиминнал ва вузру кьуртал бувминнал ихтияду дуруччинсса даражаллийсса. Президентнал хьхьич бивхьусса масьалартту бартбигьиншиврул, вузирдаву гьунар бусса жагьилтал гьаз буллалисса ва давурттал дузал буллалисса шарту дузал дулан аьркинни. Чара бакьа ишла дулан аьркинни кьулшивуртту дулаврил совет заманнал системалул дюрхьусса практика ва опыт.

**Хладур буссар
Патимат РАМАЗАНОВАЛ**

Цуссалакрал райондалия Аьраличунан хасну мавлуд дунни

Вай гьантрай отпускалиий шавай увкунни мобилизациялул хьуминнавах хасьсса аьралий операциялуву гьуртту хьанай ивкьсса Шамил Баймурадов. Ва иширан хасну аьраличунан гьанмаччанал дурсса мавлудрай гьуртту хьунни Цуссалакрал райондалул бакIчи Сулайман Рамазанов, ванал хьиривчу, Цуссалакрал шьраваллил бакIчи Сулайман Оьмаров, аьраличунан дустал, шьраваллил жьмат.



Цуссалакрал райондалул жьматрал цIания Сулайман Рамазановлул барчаллагь увкунни аьраличунахь ва мунал ниттибуттахь, кIицI ларгунни аьраличунал кьучагьшиву.

Мавлудрайн бувкIминнал кIицI лавгунни билаятрал мурадру буруччаврил цIаний аьралий операция чара бакъа бан багълай бивкIшиву. Шамиллул бувсунни цува ххюва зуруй, Ватандалул мурадру буруччлай, аьралий операциялуву гьуртту хьушиву ва тачIав мобилизациялул

шаврия пашман кьавхьшиву.

Аьралий операциялуву гьуртту хьанахьисаксса хIаллай Шамиллул ккаккан дурну дур цала чувшиву, яхI бушиву. Аьрасатнал Президент Владимир Путинлул ХIукмулийн бувну, ванан дуллуну дур IV-мур даражалул Георгийл ххачлил орден.

Райондалул бакIчинал кIицI лавгунни цивппа ччимур чIумал аьраличунан гьан-маччами кьамул бан, миннан кумаг бан хIадурну бушиву.

Балугъравун къабивми буруччин

Цуссалакрал райондалул администрациялул залдану хьунни ЦБалугъравун къабивминнал иширтгалсса ва миннал ихтиярду буруччаврилсса байсса комиссиялул ирглийсса заседаниее.



Заседаниялул даву дачин дурну ия райондалул хьунаманал хьиривчу Рустам Сулайманов. Шикку гьуртту хьунни Комиссиялул председателна хьиривчу, КIулшивуртту дулаврил управлениялул хьунаманал хьиривчу Расул Атлангериев, Комиссиялул хьунмур пишакар Лиана Маматиева, райондалул идарарттал калувчитал.

Заседаниялий ххал диргьун-

ни тIулдакъашивуртту дурсса цаппара иширтгал хIакъиравува материаллу. Комиссиялул бувсунни уттиния тихуннай дуллан ккаккан дурсса давурттая.

Заседаниялул хIасиллайн бувну, хIукму бунни:

- тIулдакъашивуртту дурминнай дюь дишин;
- райондалул школартай профилактикалул давуртту дан;


- 2023 шинал дуллансса давурттал план цIакь дан.

Ватан дуруччултрал байрандалул гьантрай Цуссалакрал райондалул школартту хIала бувххунни Шалагу Аьрасатнаву нанисса «Письмо защитнику Отечества» тIисса акциялувух.

Дуклаки оьрчIал чивчунни чагъарду хасьсса аьралий операциялуву гьуртту хьанахьисса аьралитурачIан. ОьрчIал барча бунни аьралитал Ватан дуруччултрал кьинилушал, чивчунни миннал дакI дансса махьру.

КIицI лаган, Цуссалакрал райондалул школартту гьуртту хьуссар цаймигу патриот акциярдавух. Дуккаврил шин дайдирухьуния шийннай «СаллатIначIансса чагъар», «Фронтрайнсса открытка» акциярдал лагрулий райондалул дуклаки оьрчIал чIявусса чагъарду чивчуссар хасьсса опе-

СаллатIначIансса чагъарду



рация нанисса кIантурдайсса аьралитурачIан. Вай шаппату-сса чагъарду бигъа дакъасса тагъарданий кьуллугь буллалисса саллатIнан дакIнил малхIанну хьанай бур.

«Агъаммуниясса ихтилатру»



Аьрасатнал цинявпагу школарттай кунна, ва нюжмардий Цуссалакрал райондалул школарттайгу хьунни «Агъаммуниясса ихтилатру» тIисса классрал сьятру.

Вай гьантрай Цуссалакрал 1-мур школалий хьусса классрал сьят дия Ватан дуруччултрал кьинилун хас дурсса. Дарсирал мурад бия дуклаки оьрчIан бувчIин баву паччахIлугърал мюхчаншиву дуруччин ярагъуннил гужирдахь цуксса бияла

буссарив. Школалул учительтурал бувсунни Аьрасатнал тарихрал савлугърая, ирсирай нанисса жула халкьуннал кьучагьшиврия, жучIавасса ттизаманнул ярагъунния. Бувсунни хасьсса аьралий операциялуву гьуртту хьанахьисса школалул выпуск-

никтурая. Гьарица классраву хьунни ватандалухьсса ччавриясса, аьралий бурж бартбигъавриясса ихтилатру. Дакинийн бивчунни 1999 шинал Цуссалакрал аьрщарай хьусса дяввилул ишру, тай иширттаву чувшиврий жанну дуллусса РОВД-лул зузалт. Ихтилат хьунни Донбассрал агьлу буруччалисса хасьсса операциялуву гьуртту хьанахьисса райондалиясса аьралитурая.

Шаэр дакIнийн увтунни

Цуссалакрал 1-мур школалий хьунни «Хьунасса шаэр дакIнийн утанну» тIисса Р. ХIамзатовлул 100 шинал юбилейран хас бувсса ккуркки стол.



Ванил сакиншинначи хьунни лакку мазрал учитель Муь-

минат Мусаева. Мероприятталий гьуртту хьунни байбихьзулдул

ва дянивми классирттал дуклаки оьрчIру. Мероприятталул мурад бия дуклаки оьрчIавун Расул ХIамзатовлул творчествалул гьира бутаву, патриотизм тарбия даву.

Зал чIюлу бувну бия шаэрнан хас бувсса чIирал кказитиртгал.

Мероприятие тIитIлай, Муьминат Мусаева булсунни шаэрнал оьрмулия ва творчествалия. ЛяличIину кIицI лавгунни ванал Ватандалухьсса, дусшиврухьсса шеьрирду. ОьрчIал дуркунни назмурду. Выставкалий бивхьусса шаэрнал луттирдая бувсунни библиотекалул хьунмур Зайнав Шахмардановал. Расул ХIамзатов Дагъусттаннайгу, Шалагу Аьрасатнавулул цуксса сий дусса шаэр ивкIсарив бувсунни ихтилатру бунни школалул учительтурал.

Лажин хIадур дурссар
Анриана АБДУЛЛАЕВАЛ

Лакрал райондалия

Кулпатиртташалсса хьунабакъаву

Ватан дуруччултрал кьинилун хьунин Лакрал райондалул администрациялий хьунни СВО-лийн мобилизовать бувминнал кулпатиртташалсса хьунабакъаву.



захІматсса чІун. Амма жунма багълай бур, циняв цацІун хьуну, СВО-лий гьуртту хьана-хьиминнал кулпатирттал чІарав бацІан. Мунил цІанийссар ва хІакъинусса хьунабакъавугу. Зуша бюхъайссар, ламус къабуну, зула мюхтажшиндарал ялуттучІан буххан, – увкунни Юсуп МахІаммадовлул.

Ва хьунабакъаврийгу Юсуп МахІаммадовлул ва Марат Илиясовлул мобилизовать бувминнал кулпатирттан бунни арцуинусса ва сурсатирттайнусса кумагру.

Ахирданий Гъумучиял школалул дуклаки оьрчІал дурккунни Ватан дуручлачиминнан хас дурсса назмурду, увкунни балайрду. Шеъри бувккунни мобилизовать увсса СВО-лул гьур-

Зулайхат ТАХАКЪАЕВА

Микку гьуртту хьунни Халкъуннал Мажлисрал депутат Марат Илиясов, райондалул бакІчитал, идарарттал каялувчитал, СВО-лий гьуртту хьана-хьисса уссурвал ХІусайн ва Мурад Муслимовхъул.

Райондалул бакІчи Юсуп МахІаммадовлул, бавтІминнахъ ялун нанисса байрангу барча дурну, бувсунни мобилизовать бувминнал кулпатирттан буллантІий бушиву гьарца чулухасса кумаг. Ххигу бунни муниципалитетирттай сакин бувну бушиву мукунсса кумагру буллансса фондру «#МЫВ-МЕСТЕ» тІисса. КИИЦІ лавгунни цува мудангу хІадурну ушиву мобилизовать бувминнал гьанчувнашала хьунаакъин, миннал буруккинтах вичІи ди-



Юсуп МахІаммадов ХІусайн ва Мурад Муслимовхъащала

шин ва бюхъайссаксса миннал мурадду шаллу бан.

– Жула оьрчІру биттур буллай буссар Ватан дуруччаврил ххулийсса цала бурж. Гъайгъай, жула ялун дуркІун дур

ттучи Нариман ХІусайхановлул душнил Лагифалгу.

Мобилизовать бувминнал мачча-гьанминнал барчаллагъ увкунни райондалул бакІчинахъ цахра дуллалисса кьулагъсарахлу.

ТІайла бувккунни ирглийсса кумаг

Ватан дуруччултрал кьинилун хасну вай гьантрай Лакрал райондалул ТІайла бувккунни гуманитар кумаграл ирглийсса «Газель».

Аьрайн кумаг батІаврил сиптачи хьунни райондалул бакІчи Юсуп МахІаммадов. Кумаг батІавриву хьуннасса гьурттушинна дурунни Гъумучиял КІивагу детсадрал, кІулшиву дулаврил идарарттал, шяраваллал администрациярттал. Дуклаки оьрчІал хІадур дурну дия аьралитурал дакурдивун гьавас бутансса барча бавуртту.

Аьралитал ххари шай ватан-



лутураясса ссаламрал чагъарду бувкІукун, хаснува дуклаки оьрчІаятуса.

ОьрчІал бавтІун бия ссайгъатирттал 30-нниха ливчусса къуршив. Шяраваллал администрациярттал хІадур дурну дия 100-сса килограмм къаркъ кІулул.

Райондалул администрациялулгу миннул ялун ххи дурунни бытовая химия.

Цинявпагу ялугълай бур аьралитал ххувшавришала цІуллуну-сагъну жула ялун бучІаннин.

Барчаллагъ тІий буру

Вай гьантрай жул шяраву, хьхьунил лякълуву, заллухъругу вив бунува, цІу ларчІун, МахІаммадханнул ва Ххадиджатлул къатри ччурчунни. Къатригу, къатлувусса хьус-хьиншивугу ччурчуну, хьуннасса зарал хьурчагу, укунсса чІумал заллухъругу сагъну личІаврийн шукрулий бикІан багълай бур.

Жу, Москвалив ва Дагъусттаннай ялапар хьанахьисса Бархаллал жьмат, хьуннасса барчаллагъ тІий буру, мугълат бакъа лекхаврий бувккун, цала оьрмулун хьуннасса нигъачІаву дусса тагъарданий цІу ларчІисса къатрава заллухъругу буккан бувсса,



жула шяравасса Оьмари ва Разият Даудовхъахъ.

Мукунма барчаллагъ тІий буру ччясса чІумал мутталий цІу лещан дан бувкІисса Лакрал, Ахъушиял, Лавашиял, Гергебиллал



Оьмари ва Разият

районнал цІу лещан дай къуллугърал пишкартургахъ.

Бала-апатІ байшун баннав, Аллагънал урувчуну лякьиннав гьарцагу чув!

Бархаллал жьматрал цІания Патіма ХАМЗИНА

Ларгсса ножмардий Лакрал райондалий Ххюлуссуннал шяраваллил школалий хьунни Авгъаннава совет аьрал буккан бувсса кьинилун хасъсса батІаву.

ДақІнийн бивчунни кьучагътал



Бадрижамал АБЛИЕВА

Ва дачин дурну бия Залина МахІаммадова. БатІаврий гьуртту хьуна бусравсса хьамалгу: Лакрал ва Ккуллал районнал аьралий комиссариатрал призыврал отделданул начальник Ажуб Юсупов, кІирагу райондалул Авгъаннал ветерантурал советрал председателъ Абдулгъапур Оьмариев, авгъан дьявилул ветеран Кирамуттин АхІмадов, Карашрал школалул директор Эмир ХанмахІаммадов, Ххюлуссуннал школалул тарихрал учитель АбутІалиб Аминов, Лакрал райондалул ЦЗН-лул вакил Сабина Хизиева ва м.ц.

Махъру лавхъуна хьамаллу-

рал ва Ххюлуссуннал школалул директор Сагъир Акаевлул.

Ихтилатру буллалиминнал дақІнийн бивчунна дьявилий гьуртту хьусса кьучагътал, ветерантал: Ххюлусматусса СалихІ Къунжуев, Шяпи Дибиров (аьпа биву), Буршайтусса Рамазан Абдуллаев. Ва кьини мажлисрайн СалихІ ва Рамазангу бучІан аьркинссия, амма вайннаша бучІан къавхъуну бия.

Дуклаки оьрчІал хьинну ххуйну, дюхханну дурккунна авгъан дьявилул вирттаван хас дурсса назмурду. Цинявналагу архІал ххал дурна ва дьявилиясса киносура.

Гихунмайсса мажлис хьуна барачатсса ссупралух.

Дин, иман, ислам

Шяъбан барз – кьиматрайсса барзри

Гъашину февраль зурул кьуння цалчинмур кьини байбивхъунни шяъбан барз. Ва бусурманнал календарданул мьялчинмур барзри.

Шяъбан тІисса мукъул мяънагу – «арх буцаву», «личІи шаву» тІиссар, цанчирча Исламрал дин цІакъ хьуннинсса заманнай ва зуруй аьрабнал агъали щин ххал дуван пив шайсса бивкІссар. Шяъбан – Рамазан зурул хьхьичІмур барзри. «Ражаб зуруй гъанна бугъайссар, Шяъбан зуруй щин дугІайссар, Рамазан зуруй бакІлахъия даТІайссар». (ХІадис). Ялагу увкуну бур: «Ражаб – цІимилул барз, Шяъбан – марцІ шаврил барз, Рамазан – чирилул барз». Шяъбан зуруй зума дугъаву хьинссар, суннатсар.

Идавсилгу (с.аь.с.) шинайсса зурдардива яла чІяруну суннатсса зумарду ва зуруй дугъайсса диркІун дур. Ва иширал хІакъираву Идавсил (с.аь.с.) увкуну бур:

«Ражаб ва Рамазан зурул дьянивсса Шяъбан зурух халкъуннал кьулагъс къадувай. Му зуруй инсаннал аьмаллу (тІуллу) АллагъначІан гъаз шайссар. Тгун ччай бур ттула аьмаллу гъаз хьусса чІумал зума дургъуну икІан».

Ва хІадисрал тасттикъ буллай бур Шяъбан зуруй зума ду-

гъаву фарз (бурж) бакъанугу, дургъуманан хьуннасса чире хьунтІишиву.

ЦІуллу-сагъшиврул заэвманан фарзасса Рамазан зурул зумарду дугъан захІмат къахъуншиврул Шяъбан зуруй къадугъарча хьинссар куну бур.

Шяъбан зурул яла агъаммур ляличІишиву хьанай дур Бараатрал хьхъу. Ва хьхъуну аьрщарайн Заннал ляличІисса цими ликкайсса бур.

«Бараат» тІисса мукъул мяъна дур «хІала бакъашиву», «баркІ битаву». Бараатрал хьхъуну ххуй дакъасса, къабучІисса, хІалал дакъасса къеллу, давуртту дурми баркІ битайсса бур Алжаннуя, хьинсса, хІалалсса давуртту дурми тІурча – Дужагърая.

Идавсил (с.аь.с.) хІадисирттаву бур, Бараатрал хьхъуну циняв инсантурал бунагъру багъишла битайссар, Аллагъ миннул ялтту учІайссар тІий, мунияту ва хьхъу, Аллагъгу дақІниву увгъуну, дуаьртту дуллай утгара дарча хьинссар тІий бур.

ХІадур бувссар П. РАМАЗАНОВАЛ

Ккуллал райондалия Ватандалул Виричусса арс даКІнийн утлай

Аьрасатнал тарихраву 2022 шин пашмансса хха чивчусса шин хьунни. Украиннавусса хасьсса аьралий операция байбивхуну, тайннал кьовугу жуламур кунна кьамул дурну, чувшиву аьлтту дуллалисса циксагу чиваркІ Тайла бувккунни нитти-хьал дакьаву дуручлан.

Февральданул 24-нийн Украиннайсса хасьсса аьралий операциялий Аьрасатнал Виричу НурмаьИаммад ХІажима-ХІаммадовул виричувирий жан дуллуну шин хьунтІий дур. АлхІаткьини буттал шяраву, Къянив, НурмаьИаммадлул гьаттацІ ІтутІал шалкри бихьлахьисса батІаву хьунни.



Шикку гьурттушинна дунни Ккуллал райондалул администрациялул бакІчи Шамил Рамазановлул, идарартгал вакилтурал, гьанмаччанал, хьамаллурал, Къяннал школалул дуклаки оьрчІал ва цайминнал.

Махь лахьлай, райондалул администрациялул бакІчинал увкунни:

– НурмаьИаммад дуккавиривугу, оьрмулугу хьхьичІун ливчусса ия. Гьарца ишираву мунал ккаккан дулла ия зунтгал чувнал хасият. Мукунсса хасиятту тІабиабтрал инсаннал дуллуну дикІай ягу дурагу кьадикІай. Дуниял мукунсса дур, ца янил лянІ учиннин инсан акьа хьун бюхьайсса. Оьрмулул ва хьудданул дянив Виричунал кьадар кьамул бан бюхьавугу зунтгал чувнал хасиятрал ца лишанну хьанай дур. НурмаьИаммад жуна тачІав хь-



ма-кьаитантІиссар, ванал жан дуллуссар хІакьсса офицернал зумуну. Неонацистьтурал гьужумраву ва талай ивкІссар кьучагьну, ванал дурагу 25 шинья, амма, жагьилсса оьрмулул шиннах кьаурувгун, ванал ватандалул хьхьичІсса буржІанихну лавхьссар. Ва Іулцири

ца зумату кунма тІий бур – душманнал хьхьичІ ник кьаришунтІиссия тачІавугу тІий.

Жу пахрулий буссару цІарал ххуттайсса гьарцагу аьраличуная. Ялугьлай буру чьясса чумул мутгаллий Ххувшавришал зана хьуннин.

Аьпалул митинграй махьру лавхьунни мукунма НурмаьИаммадлул буттауссил, Къяннал шяраваллил бакІчи Малик ХІажимаьИаммадовлул, Ккуллал райондалул имам МухІаммад-Маннар Бариевлул ва мукунма цайминнал.

БавтІцириннал ва хьамаллурал, аьпагу куну, даКІнийн увтунни Аьрасатнал тарихраву абаллий ца кьариртсса Ватандалул виричусса арс.

Митинграл хьирив Къяннал школалул дуклаки оьрчІал аьралитурал аьпалун шаллу дунни Ватандалун, дяввилул иширтган хас дурсса композицияртту.

Р.С. ДаКІнийн бутан, хьунама лейтенант НурмаьИаммад ХІажимаьИаммадов Украиннавусса хасьсса аьралий операциялий цала цува тІякь учин увссар лагма лавгсса неонацистьтурашІун. Мартрал 3-нийн 2022 шинал Аьрасатнал Президент В. Путиннул ХІукму кьамул бувссар 25 шинал оьрмулугу хьунама лейтенант НурмаьИаммад ХІажимаьИаммадовлул Аьрасатнал Виричунал ца дулун.

«На лаккучура, дагьустганлувру, чачанна, ингушра, оьрусра, татаринна, еврейра, мордвинна, осетинна» тІисса Аьрасатнал Президентнал махьругу ливчІссар тарихраву.

**ХІадур бувссар
А. АХІМАДОВАЛ**

Жула лайкьсса наслу

Аьралий операциялул бияла асар хьанай бур циняв жула жяматиртган. Жул шяравасса сайки ацІунная ливчусса жагьилгу гьуртту хьанай уссар тикку. Ттигьанну бутгал шяравун увкІун уссия миннавасса ца – Оьмардул арс Оьмаров Назим. Ванашал увкІун уссия ванал уссу Нуруллагьгу.



Назим хьхьичІавагу Аьрасатнал аьралуннаву контрактрай кьулугь буллау уссия, гьинттул отпускалигу увкІун, кІилчингу махьунай лавгссия. БТР-даний гьалмахтурашал най унува, боевиктурал бита-ххитарихьхьун иривну,

цал Ростоврай, яла Ашттарханнай госпитальданий хьин хьанайгу ивкІун, шавай увкІссия.

Назимлул нину ва мюршими уссурвал, Муххал ххуллул станциялий зигу зий, яхьанай буссар МахІачкьалалив. Бутта ивкІуссар 3

шинал хьхьичІ.

Назим хасиятрал хьинну рахІатсса, гьалмахтурашал авкьусса оьрчІри. Ва ттул ученикри, на директорсса чумал СунбагІуллул школа кьуртал бувссар. Дуккавиривугу хІарачат бусса, школалий дуллалисса давривух, спортравух хІала уххайсса оьрчІ ия.

Назим хьинну лайкьну хьунаавкьуна агьалинал. Ккуллал шяраваллил Культуралул кьатлул вакилтал Кьулиев Алик ва Оьмаров Аликгу КІихава музыкалушал бувкІун бия. Хьунаакьаврил сакиншинначину хьунни администрациялул бакІчи Бугьаев Рамазан. Дяктгара дуки-хІачІиягу хІадур дурну, бавтІун цала ужагьрайн хьамалгу, аьралигалу, хьхьунил ссят 11 хьуннин хьунмасса мажлис бувна. Микку ихтилатру бувна аьралий майор, пенсионер Хизриев Шамхалал, «КунцІалу» агро-фермалул директор Адамов Нуруллагьлул, цала Бугьаев Рамазанлул, маччагьаннал, дустурал, хьамаллурал.

Я Аллагь, цІулуну, ххувшавугу ларсун, циньяпагу шаппай зана хьунсса кьудрат дулуннав!

**МахІмуд АЬЛИЛОВ,
ш. СунбатІул**

Жул даКІру зушала дуссар

Февраль зурул 22-нийн ЧІяйнал Магьирлулгьрал кьатраву хьунни «Аьрасатнал Виртгаврал аьпалун» тІисса патриот программалул лагрулийсса мероприятие. Шиккун оьвкуну бия цанасса ппурттуву Украиннал аьршарай нанисса хасьсса аьралий операциялулу гьуртту хьанакьисса аьралитурал нитти-буттайн, ЧІяйнал шяраваллил Хьунисриннал советрал председатель МахІаммад Апанниевлулун.



Имара САИДОВА

Мажлис бачин бувну бия мероприятиелул сиптачи, магьирлулгьрал кьатлул хьунмур СалихІат Алхасова.

– Буниялагу авадансса буссар жула миллатрал виртгаврал тарих. Цанасса ппурттуву жула билаятран захІатсса кьини духІан багьлай бур. Кьини дурксса чІуннардий дагьустганлувтурал мундану ккаккан дурссар кьучагьшиву. ЧІяйнал шярава Украиннаву нанисса хасьсса аьралий операциялулу гьуртту хьанай уссар ряха жагьил: (бюхьай кІиш кьалавгссагу бикІан) ХІасан-ХІусайн Рамазанов, МахІаммад Кьубатаев, Нариман МахІаммадаьлиев, МахІаммад-Расул Кьурбанов, Даниял Маккаев ва Амир Сайдуев.

ДаКІнийн бичинну та операциялулу кьучагьну жанну дуллусса жула райондалиясса аьралигал: Аьрасатнал Виричу НурмаьИаммад ХІажимаьИаммадов, Нариман Сулайманов, Дивир Дивирон, МахІаммад ХІусайнов, Леонид Исупов, МахІмуд Чаннанов, Алик Гьазиев, ХІасан Гаргацев, Мурад Магьдиев, Муртазааьли

КьурбанмаьИаммадов.

Я Аллагь, ххувшавугу ларсун, сагь-саламатну зана хьуннав жула оьрчІру, – увкунни СалихІатлул.

Дуклаки оьрчІал бувккунна виртгаврахасса шеьрирду, увкунна балайрду.

Хьирив ихтилат бувна аьраличу МахІаммад Кьубатаевлул ниттил Лизал.

– Шаллусса шин хьунни Украиннал аьршарай нанисса хасьсса аьралий операциялулу иширтгавух жула оьрчІру гьуртту хьанай. ОьрчІрув, зунмагу телевизорданувух ххал шайхьунссар, ва дякьий, дуркуну, кьадуркуну, бяхьлай, гьили хьанай, виртгалну талатисса жула аьралигал. Ттулама оьрчІалгу ттухьва цичІав кьабусай. ЖучІа гьарзат ххуйну дур учай. Аммарив цува уссар оьрмулун нигьачІаву дусса боеприпасру ххилахьисса машиналий зий. Вай хавардугу, арснал ттуя кьютІ буллау, ттула маччагьанная баяй.

Я Аллагь, дяввилул чІу тачІав кьабаяннав, Ватан дуручлансса кьабукканнав, – увкунна ванил.

Ихтилатру бувна ялагу Аслан Рамазановлул, Бухарин МахІаммадаьлиевлул, ПатІимат СугІаевал, МахІаммад Апанниевлул.

Ккуллал райондалул цинявпа школарттай тивтунни Украиннал аьршарай нанисса хасьсса аьралий операциялий ливтусса вирттаврал хас бувсса мурцурду. Гьарцагу школалий бурчлай бур цачава дуклай ивкисса шяравучунал аьпа.

Ккуллал райондалиа

Вирттаврал мурцурду

**Нурмагомед!
Мы помним!
Мы гордимся!**

Газизов Нурмагомед Ахмедович

Не вырзидь сьовани
Без скорби в печали...
В сердцах и памяти
Всегда ты с нами.

ОН НЕ МОГ ПОСТУПИТЬ
ПО-ДРУГОМУ!



НАСЛЕДНИКИ ПОБЕДЫ

Герои рождаются самыми обычными людьми, героями их делают их поступки и стремления.

ГОРАДИСЯ ГЕРОЕМ!

Герой — это живое воплощение всего, что есть лучшего в человеке, а лучшее — это борьба за мощь, за изобилие, за счастье страны и народа.
А. Толстой

Аминат АХИМАДОВА

«Виричунал мурцурду» – ва хьанай бур виричунал сура-тирттагалса, ванае бусласисса чичурдашалса аьпалул экспозиция.

Проект хасул буну бур Буттал КИанттул цанийсса Хьун-масса дьэвилул, личи-личисса дьэвирдай ливтусса вирттаврал сипатирттайну оьрчлаву ватандалухсса ччаву тарбия даву ва ватандалул ххулий жанну дуллуннал аьпалул хурмат бурччаву мурадрай.

Вирттаврал мурцурду тивтуссар райондалул ва шярваллал администрациялул вакилтал, талаталтрал мачча-гьанми, гьалмахтал ва дуклаки оьрчурду гьурттуну.

Кьяннал школалий тивтунни Аьрасатнал Виричу Нурмахаммад Хажимахаммадовлул мурцурду, Ваччиял школалий – Леонид Исупаевлул мурцурду, Хьусрашиял школалий – Алик Гьазиевлул мурцурду, Таннул ЦувкIуллал школалий – подполковник Дибир Дибировлул мурцурду, Ккуллал школалий – МахIмуд Чаннановлул ва Мурад Магьдиевлул мурцурду.

ХьхьичI ялув кIишI лавгсса школарттай тивтуссия «Вирттаврал партарду», вайн-нух шьабикангу ккаккан буну буссар дуккавриву хьхьичIун ливчуми, школалул оьрмулуву чялишсса гьурттушинна дуллалими.

Шиккува даКIинийн бивчуну бур Совет Союзрал ва Аьрасатнал вирттал.

Жула вирттал

Абадлийсса аьпа

Чувшиврий жанну дуллусса лакрал вирттал. Кьус ританну вайннал хьхьичI жулла бакIру.



МахIаммадинал арс Дибир Дибиров, иш. 2-мур ЦувкIул



Рамазаннул арс Леонид Исупаев, иш. 2-мур ЦувкIул



Энгельсул арс Нурмахаммад Хажимахаммадов, иш. Кьян



Багьауттиннул арс Алик Гьазиев, иш. Хьусраши



Амсардул арс Хасан Гаргацев, иш. Хьусраши



Халидул арс Мурад Магьдиев, иш. Ккул



Маликлул арс МахIмуд Чаннанов, иш. Ккул



Минкаиллул арс ХIамзат Мирзаев, иш. Хьусраши



ХIажинал арс Нариман Сулайманов, иш. ЧIайми



Кьурбанмахаммадул арс Муртазаали Кьурбанмахаммадов, иш. Вихьул



ХIусайннул МахIаммад ХIусайнов, иш. 2-мур ЦувкIул



МахIаммадул арс Асхад ХIажиев, иш. 1-мур ЦувкIул



Юсуплул арс Арсен Абдиев, иш. ЧIайми



Жамалуттиннул арс МахIаммад Жамалуттинов, иш. Шар



Аьбдулхаликьлул арс Артур ХIажиметов, иш. КIулушацIи



Багьдадинал арс Руслан Кьардашов, иш. ГьунчIукьатIи



Русланнул арс Муртаза Султанов, иш. Шушими



МахIаммадул арс Мурад Исаяев, иш. Бархьал



МахIаммадул арс Алик МахIаммадов, иш. Цуликьян

ХIадур дурссар Андриана АьБДУЛЛАЕВАЛ



ИТНИ, 27 ФЕВРАЛЬ
05.00 «Доброе утро».
09.00 Новости.
09.20 «АнтиФейк». (16+).

01.10 «Подкаст.Лаб». (16+).
03.00 Новости.
03.05 «Подкаст.Лаб». (16+).

03.00 Новости.
03.05 «Подкаст.Лаб». (16+).

ХАМИС, 2 МАРТ
05.00 «Доброе утро».
09.00 Новости.
09.20 «АнтиФейк». (16+).

НЮЖМАР, 3 МАРТ
05.00 «Доброе утро».
09.00 Новости.
09.20 «АнтиФейк». (16+).

09.00 «Умницы и умники». (12+).
09.45 «Слово пастыря».
10.00 Новости.

07.40 «Часовой». (12+).
08.10 «Здоровье». (16+).

РОССИЯ 1

ИТНИ, 27 ФЕВРАЛЬ
05.00 «Утро России».
07.35-07.41 Вести-Дагестан
08.07-08.10 Вести-Дагестан

01.20 «Вечер с Владимиром Соловьевым» [12+]
03.00 Елена Яковлева в телесериале «Каменская». [16+]

«Каменская». [16+]
03.45 Телесериал «Личное дело». [12+]

03.45 Анна Гарнова, Илья Шакунов, Никита Панфилов, Борис Невзоров и Екатерина Кистень в телесериале «Личное дело». [12+]

02.05 Елена Яковлева в телесериале «Каменская». [16+]
03.45 Анна Гарнова, Илья Шакунов, Никита Панфилов, Борис Невзоров и Екатерина Кистень в телесериале «Личное дело». [12+]

02.05 Елена Яковлева в телесериале «Каменская». [16+]
03.45 Анна Гарнова, Илья Шакунов, Никита Панфилов, Борис Невзоров и Екатерина Кистень в телесериале «Личное дело». [12+]

Зоя Антонова и Анатолий Котенев в фильме «Роман в письмах». [12+]
АЛХИАТ, 5 МАРТ
06.10 Наталья Терехова, Илья Соколовский, Антон Филиппенко в фильме «Счастливая серая мышь». [12+]
08.00 ВОСКРЕСЕНЬЕ.
08.35 «Когда все дома с Тимуром Кизиковым».
09.25 «Утренняя почта с Николаем Басковым».



ИТНИ, 27 ФЕВРАЛЬ
07.00 Время новостей Дагестана. Итоги
08.00 «Королева спорта» 0+
08.10 Х/ф «Деревенский детектив» 6+

04.05 Передача на табасаранском языке «Мил» 12+
04.40 «Угол зрения» 12+
05.05 «Выходные на колесах» 32 с. 6+

05.35 Х/ф «Все для вас» 12+
АРВАХИ, 1 МАРТ
07.00 Время новостей Дагестана
07.20 Передача на лакском языке «Аьриши ва агьлу» 12+

08.00 «Королева спорта» 0+
08.10 Мультифильм 0+
08.30 «Королева спорта» 0+
08.55 Х/ф «Четвертая высота» 0+

08.00 «Королева спорта» 0+
08.10 Обзор газеты «Хакыкьат» 12+
08.30 Мультифильм 0+
08.55 Х/ф «Четвертая высота» 0+

08.00 «Королева спорта» 0+
08.10 Обзор газеты «Хакыкьат» 12+
08.30 Мультифильм 0+
08.55 Х/ф «Четвертая высота» 0+

04.40 «Вахтар ва инсанар» 12+
04.55 «Культурный код» 0+
05.15 Золотая коллекция фильмов о родном крае. Д/ф «Гусейн и Ольга» 6+



ИТНИ, 27 ФЕВРАЛЬ
04.55 Т/с «Москва. Три вокзала». (16+).
06.30 «Утро. Самое лучшее». (16+).
08.00 «Сегодня».
08.25 Т/с «Дельта. Продолжение». (16+).

00.00 Т/с «Невский. Тень архитектора». (16+).
00.40 Т/с «А.Л.Ж.И.Р». (16+).
03.20 Х/ф «Битва». (6+).

00.00 Т/с «Невский. Тень архитектора». (16+).
00.40 Т/с «А.Л.Ж.И.Р». (16+).
03.20 Х/ф «Битва». (6+).

00.00 Т/с «Невский. Тень архитектора». (16+).
00.40 Т/с «А.Л.Ж.И.Р». (16+).
03.20 Х/ф «Битва». (6+).

00.45 Т/с «Москва. Три вокзала». (16+).
06.30 «Утро. Самое лучшее». (16+).
08.00 «Сегодня».
08.25 Т/с «Дельта. Продолжение». (16+).

00.45 Т/с «Москва. Три вокзала». (16+).
06.30 «Утро. Самое лучшее». (16+).
08.00 «Сегодня».
08.25 Т/с «Дельта. Продолжение». (16+).

00.10 «Квартирник. НТВ». (16+).
01.40 «Дачный ответ».
02.30 Т/с «Чужой». (16+).

«Илчилул» календарь

Ва нюжмардий бувссар

Февраль зурул 22-ний 1921 шинал увссар алимчу, дуклаки оьрчансса лакку мазрал учебникертгал автор **Кяьбулагь РахИмов.**

Февраль зурул 22-ний 1954 шинал увссар 1-мур классрал пилот, Дагъусттаннал авиакомпаниялул генеральный директорнал маслихатчи, техникалул элмурдал кандидат **Жабир Абакаров.**

Барачатну бацаннав

Уттигъанну Паччахьлугьрал къуллугьрал, кадрдал ва паччахьлугьрал наградартгалсса байсса ДР-лул БакIчинал Управлениялул начальникну бивтунни МахIаммадул душ Кашаева Земфира.

Жаваблубливу ххисса цусса къуллугьгу барча булла, чIа тIий буру Земфиран тIайлабашуртту ва цу-цусса хьхичIуннайшивуртту. Барачатну бацаннав вил къуллугь винмагу, шала Дагъусттаннагу!


«Илчилул» редакция

Юбилейран хасну

Карашрал жяматран

чянива цаламану

хьусса чув



Ванияр мукьцIаллахьул шиннардил хьхичIва Карашрал шяравун увкIун, кIиккува даврилгу, миналугу хьуну, Карашрал жяматран ца бутIа бакъасса чувну яхъанай уссар ХIажимахIаммадул арс Гъазалиев Гъазали.

К. Маркслул цанийсса колхозрай, счетоводнаяту айивхьуну, хьунама бухгалтернал къуллугьрай иянин, Гъазали зий ивкIссар чIарусса шиннардий. Цала даврил специалист ХIисаврайгу, агъамсса иширттал чялишсса сакиншинначи

ХIисаврайгу, дакI-амал уздансса инсан ХIисаврайгу, ва мудангу бусраврай ва къадрулий уссар кIулшириннал дянив.

Гъазали угу-увну, хьунагу хьуну ур Шардал шяраву, оьрмулухун хьхичIунсса ризкьичину зий ивкIсса, шалагу илданул дянив ХIурмат лавайсса ХIажимахIаммадул къушлий.

ЧIавану унува захIматрал къадругу кIул хьусса Гъазали цала ичIувагу, къатIувгу ур муданасса зузала, шяравалил хозяйствалул инсан. Цува яхъанхьисса къатрал хьхичI ванал хьун буну буссар ххал хьунал дакI тирх учинсса ххалилсса багъ – ацIрахьул журалул ахьулссаннул.

Цала оьрмулул дус Санянтлушчал архIал ванал, хьунигу буну, чивун буккан буну бур дахIалай чинсса кIия аргу, кIива душгу.

Ниттил увну Гъазалин вай гъантрай бартлаглай дур 65 шин. Му кьинигу барча дулла, чIа тIий буру Гъазалин чIарусса цIуллусса шинну, цу-цусса ххуй-хьиншивуртту! Ххаршад уллай личIаннав ина вилацириннал!

Дустал, гьалмахтал

Спорт

Жула лачIунбуккулт

ххув хьунни

Вай гъантрай Москвавил хьунни 18 шинавун биянинисса ЧIаважагьилтурал дянивсса лачIун буккавил первенство. Муний гуртту хьунни 150 спортсмен. Бяст-ччал най бия чурххал кIушиврул 11 категориялий.

ХIАБДИЛОВ

Цалчинми кIантурду бувгъунни «Компромисс» тIисса Дарбантулал ва «Белиджи» спортшколарттал тарбия був-

миннал: Аьлимирза Аьбдулкадиравлул, Умуд Агъашириновлул, Агъаширин Агъашириновлул, Шамил Абакаровлул ва Сяид Амахановлул.

Бусравминная

Тухумрал цIанин лайкьсса ирс

ТурчIиял шяравасса Шагьмиловхьал тухумрая хьхичIвагу чивчуссия. Ва ххуллук бусан ччай буру жяматрал дянив ХIурмат-къиматрайсса АьвдурахIманнул арс Заурбагу.

Имара САИДОВА

Заурбаг увну ур 1946 шинал Гьунив. Дяввилия махъсса ккашикарсса шиннардийн оьрчIшиву тIайла дарцIусса Заурбагун багьну бур чIумуцIун дархIусса захIматшивуртту дукIан. Ванал нину, Ххадиджат, диркIун дур Чухьрал шяравасса. Ппу, АьдурахIман, дурккусса, итххяхьсса адамина ивкIун ур. Дяввилул ва дяввилия махъсса шиннардий зий ивкIун ур

мур февральданул байрандалул гъантрай на барча уллалисса 35 карточка дучIайва душвавлал. Мунияту ттунгу 8-мур мартрал байрандалийн гьарца душнин цIа куну барча буллалисса карточкартту чичлан багьайва. ХIакьинусса кьинигу ттул архивраву дуссар ми ядулла, – тIий ур Заурбаг.

Училище къуртал баврийну гьашиву къадурну, 1964 шинал Заурбаг дуклан увххун ур Дагъусттаннал медициналул институту



Заурбаг ва Галина арсурваврацал

Гьунив заготовительну. Шикку кIул хьуну, бувцуну бур ванал Ххадиджат. Цувагу яхьуну ур 94 шинай. Гьунив ялапар хъанай цаппара шинну дурну махъ, вайннал кулпат бивзун бур Щурагьун. Щурагь ппу зий ивкIун ур Дагпотребсоюзрай. Заурбагун ряхра шин хьусса ппурттуву вайннал кулпатрал къатри машан ларсун дур Хасаврай. Та чIумал Хасаврай ялапар хъанай ивкIун ур АьвдурахIманнул хьунама уссугу. Ваналгу бивкIун бур 11 оьрчI бусса хьунмасса кулпат. Заурбаг цалчинмур классравун лавгун ур, га ппурттуву яла хьхичIунмурну ккаллисса, Хасавортулал 1-мур школалийн. Шикку зий бивкIун бур цIанихьсса учительтал, чIявуми цивпагу бивкIун бур оьрус миллатрайсса. Заурбагун шикку арулва класс къуртал буну бур марцIсса ххювардай. Тани арулва класс къуртал буну махъ училишалувун, техникумравун буххансса ихтияр дусса документ булайсса бивкIун бур. Нитти-бутган ччай бивкIун бур Заурбагу хIакин хьуну. Ваналгу маньшиву къадурну, увххун ур медучилишалувун. Дуклан ухлахисса шинал, акушерский отделениялийн бакъа, документру къамул къабуллай бивкIун бур. Фельдшертуралмур отделениялийнсса документру къамул булла бивкIун бур шин ляхну. Мукун, ва фельдшертуралмур отделениялийн къаагьну, 35 душ бусса акушертал хIадур байсса группалувун агьну ур.

БувчIлай бур цукун ивкIсарив 1-мур сентябрьданий медучилишалувун дарсирдайн увкIсса чIумал, марцIсса душвавлал бувцIусса группалийн я шусса, начлилсса чIаважагьил. Дуклакисса мукьрагу шинай тIурча, ва душвавлал, ца уссу куна, ххира хьуну ивкIун ур.

– Тай чIунну тачIав дакIния къалагай. Гьарца шинал 23-

травун. Мукьилчинсса курс къуртал байхту, хьхичIунну дуклакисса студентгьуравух гьан увну ур Саратоврал мединститутрачIасса аьралий-медициналул факультетрай дуклан. Тай шиннардий гьарца курсирая дуккавливу ххуйсса ккаккиартту хьун дурсса ххюя студент гьан айсса ивкIун ур Саратоврал аьралий медициналул факультетрайн. Лейтенантнал чиндалушчал 1970 шинал къуртал буну бур Заурбагул Саратоврал мединститут. Дуккаву къуртал дайхту, Заурбагул буну бур кулпат. Ванал бувцуну бур цалва Шагьмиловхьал тухумрайсса ХIажи-МахIаммадул арснал Аьдиллул душ Галина. Хьунмур оьрму гьурбатрай зий гьан бувсса кулпатрал ххуллий хьундаркъусса захIматшивурттугу чансса къадиркIун дур. ЗахIматшивурттугу нахIу-хIалимну ялапар хъанхьисса вайннал кулпатрал цацIу духIайсса диркIун дур.

Мединститут къуртал буну махъ Заурбаг увцуну ур Германау къуллугь буллалисса Совет аьралуннал группалувун (ГСВГ). Тикку ва ивкIун ур Шперенберггулал авиациялул полкрал лавретрал хьунаману. Ванашал медпунктрай стоматологну зий бивкIун бур кулпат Галинагу. Германау вайннал дурну дур ххюра шин. Тикку ларсун дур Заурбагул медициналул къуллугьрал капитаннал чингу. Германау ва гьан увну ур Молдавиянавусса Маркулешты тIисса поселокрайсса авиациялул полкрал медициналул хьунаману. Тикку дачIи шин дурну дур авиациялул-космический медициналул хIакиннал пишакаршиврул курсирдай. Ва полкраву зий хьун хIал къавхьуну, дулуну дур ванан майорнал чин. 1978 шинал Заурбаг ивтун ур Одессалул округрайсса Буялык тIисса поселокрайсса аьралий



Заурбаг

аэродромрал авиациялул полкрал медициналулмур бутIул начальникну. Ва полкраву космосравун биянцIакул лехлахисса летчиктурал цIуллушиврул ялув ацIаву дан багьлагьисса, гьавалавун леххан хьхичI ва леххун махъсса летчиктурал мюхчаншиву дуруччаврил жаваб дулун багьлагьисса, хьунмасса тIалавшинна дусса даву вихшала дурну диркIун дур Заурбагулун. Муния махъ ва тIалав увну ур Тирасполь шагьрулийсса аьралий авиациялул дивизиялул медициналул хьунаману зун.

Одессалий вайннал кулпатрал дулуну дур къатри. Тай диркIун дур 1981-86 шинну. Гьарица чулухуннайсса куртIсса кIулшивуртту дусса Заурбаг ца кIаная цамур кIанайн тIалав уллай икIайсса ивкIун ур. Мукун, Одессалия Заурбаг цIуницакул гьан увну ур Польшанавун. Та ппурттуву Польшанал аьралий авиациялул армиялул командирну ивкIун ур генерал А. И. Лебедь. Та полкраву ларсун дур Заурбагул подполковникнал чингу. Польшанава цIунигу Заурбаг гьан увну ур Одессалийн авиациялул округрал медициналул къуллугьрал хьунама офицерну. 1993 шинал, Совет аьрал дазул къатIувсса билаятирттая зана хъанан бивкIукун, Заурбаг кулпатрашчал ивзун ур МахIачкъалалив.

Пенсиялийн уккан хьхичI 10 шин дурну дур ванал Каспийск шагьрулийсса Минобороначул аьралий поликлиникалий медициналулмур бутIул хьунаману зий.

Аьралий медициналул ххуллий бивхьусса захIматрахлу Заурбаг лайкь хьуну ур цикссагу медаллан, барчаллагьрал чагьардан.

Заурбагулул, Галинагу дянив Зур кIия арс. Бутган цIа дирзма арснал, АьвдурахIманнул, бувккуну бур Дагъусттаннал халкъуннал хозяйствалул институт. АьвдурахIман ххуйну кIулссар МахIачкъалалал «Бродяги» командалул гурттучи ва «Кинсса» группалул солист ХIисаврай. МахIаммад тIима арснал, ниттибуттал пиша язи бувгьуну, къуртал буну бур Мединститут.

Вай гъантрай Заурбагул ва Галинал цацIу оьрму бутлай хьуну дур 53 шин. ХIакьинугу вайннал кулпат бур цала наслулунгу, цайминнангу эбратрансса. ЧIа учинну вайннан цIакьсса цIуллушиву, гьарца ишираву тIайлабашу, цала наслулия щалихханнинисса оьрмулул шинну!



Адабиятфал
лаҳин

«Вирттаврал чархана»

АБУТИАЛИБ ГЪАПУРОВ

Ттул дакI дустуран цачлуссар

Балики ттуйн
Хъап учирча
Нач дакъасса
БивкIулул,
Къадулунна
На ттула дакI,
ТтаркIру дакъа,
Мунихъхун.
На ттула дакI
Къаританна
ВирттаврачIа
Гъурттуну,
Абадийсса,
Чанна лавхъсса
Оърмулуву
Илкинну.
Харж бубанна
На ттула гуж
Цу оърмулун
Савлугъран,
Тархъан хъусса,
ТалихIрайсса
Циняв ттула
Дустуран.

АБАКАР МУДУНОВ

ХIалал ити

Дяъвилий ккуллалул
Нажагъ утарча,
Так ца виин обвтIра
На ивчIантIсса.
Агар ссихI дуккансса
ХIал бухлагарча,
Ина дакIнийнара
Жан дулландIсса.
КIулли аьтIуншиву
ЩябивкIун ясрай,
Мукъал шюшинсса ххай
ДакIнил дардисан,
АьматIра, аьматIра,
Ххирай, аьматIра,
Вил мукъал кIилчингу
На ивчIанссара.
Хъамакъаитарча,
Ттул виин аманат:
Ябилути зунттах
Лагабургъишал,
КIиккур ттул оьрчIшиву
ТIуркIу тIий ларгсса,
КIа чIумалла ина
Ччан хъуну бивкIсса.
АьматIра, аьматIра,
Ххирай, аьматIра,
Вил мукъал кIилчингу
На ивчIанссара.

БАДАВИ РАМАЗАНОВ

Урша гъавгъ душ

Ттул дуснал яруннил жавгъарду бакъар,
Мудан ганал хъхьичIух дур цаннал пардав,
ЩяивкIун щугълурдай гъан дай къинирду,
Ягу занан икIай хIисаврал хъирив.

Хъунаавкънал цахъва «ивзрав» учирча,
Ка дугъан тIитIин дай хъхьичIуннай кару.
КIичIиравах найни чару бахчирча,
Чулийнмай палцI бувай, аьсав къуч дурну.

Ганал чIиви оьрчIгу карав увцуну,
Цал-цал шяикIара на ганал чIарав,
Яла, ганал кунма, яру лавкъуну,
Лагара оьрчIнийсса оьрмулул хъирив.

Ттун ккаккай чIаххувоьрчI
бярнил ккурккайсса,
ТIартIсса хIажакрава никру чIалайсса,



Ккаккай, урша гъавгъун, аьтIсса душгу.
Душнин къаши дуллай, къавтIсса оьрчIгу.

Ккаккай кIичIираву, маразгу бавхIун,
Ттула дус личIлулну пагъламан лахълай,
Ягу, чарттаракIи кIунттил бувгъуну,
Левххун нани хъатIу бивтун шяв бутлай.

Ттун ккаккай школа, оьрчIру, тIуркIурду,
Мужаллатру тIартIсса жула луттирду,
ЦIунил дакIнийн багъай парталул цаний
Дус ва нава бивсса, сумкарду бишлай.

Амма ляличIину дакIний дур къини
АцIилчинсса класс бачIва ливчIусса,
Жула дус фронтрайн нанисса къини,
Жагьилтурал дурцIун, пургъун нанисса.

Арснахъ ххуллухъин тIий дия нинугу,
Шавхъсса ккунукругу бувгъун кIунттиву.
Урша гъавгъсса душгу ккавкъуна гикку,
Каршул къатта бихълай ганал жиливу.

Ганияту мукъах ттун къаккавккуну,
Ттул дуснал шанна шин фронтрай дуруна.
Яла аьсаврашал занугу хъуну,
Щарнил агълу ганан чIуний бувчIуна.

Так цала ниттил чIу ганан къабавна,
Ттул дус зана хъуннин га къалирчIуна.
Урша гъавгъ душнишал архIал лавгуну,
Ххал дурна ниттил гъав канил ках дурну.

Цанагу ттул дус ур канил ках-шах тIий,
Цала арснал сиппат цукунсса дурив.
Бунугу къатлуву чирахъ пар-пар тIий,
Ганал хъхьичIух гара дур цаннал пардав.

Арулла нааьна аски душманнан,
Ттул дуснайн га къини цал дуккан дурсса.
Арулва барчаллагъ урша гъавгъ душнин,
Дуснайн къини дуркний, чIарав бавцIусса.

ЮСУП ХАППАЛАЕВ

ХIалал хъуннав, аьзиз,
Ттул лакку нину,
Ина буллу ккукку
Лакрал оьрчIаран,
Душманнал хъазамрай
Хъуру бивзуну,
Хъунисса вирттаврал
ЦIарду цал ларсъсса!

Барчаллагъ хъуннав вин,
Хан зунттал щарсрай.
Хумар тIутIул яру
Пшял чин къабавну,
Ватандалул ялун
Къини дурккукун,
Къини лахъансса яхI
ОьрчIан буллусса!

МИРЗА МАХIАНМАДОВ

Оьрму

Оьрмулул нуз тIиртIуну,
На хъуллувах уххайхту,
Гъан багъуна дяъвилийн
Талан так оьрмулухлу.
Оьрмулухлу инсаннан
Бувагу цал булайсса,
Оьрмулухлу дахъа ттун
Цил тIин-тIааьн кIул хъусса.

Ттул дарвачирайх ришлай,
Най ия душман гужну,
Ник ришун дан къасттирай
Ватан ва тархъаншиву.
Дакъая къаучинна
Риршмур цIун къахъанай,
Угъ тIий дия аьршира,
Душманнал ккуччу дуллай.

Гъич, ниттил ккукку кунна
Дурвавли нахIусса зат?
Гъич тархъаншиву кунна
Дурвавли ххирасса зат?
Ватан мютIи шайххивав
Муххайн ягу ккуллардайн,
Тархъаншив дагъайххивав
Зулмулул хъхьичI никирттайн?!

Гъаз хъуна буттал улклул
Щалвава агълу-авлад, –
Ливхъуна жул оьрмулул
БакI къукъин ччисса жаллад.

Ливхъуна, цаххандарай,
Никъурал хъха буцанца.
Оьрму бия хъирив най
Ххувшаврил ттугъ бишунца.

Чивчуссар ттуй ккуллардах
Оьрму утгавашиву,
ДирчIан къашайшив турлих
Халкъуннал тархъаншиву.
Чивчуссар оьттух нагу,
Дунияллун кIул буллай,
ХIакъсса, уздансса оьрму
Бушиву ттул аьршарай.

**МАХIАММАД-ЗАГЪИД
АМИНОВ**

«Ттул нину» тIисса поэмалува

ЧIун архIал оьрчIавух тIуркIу тIий уна,
Пар куну лавгунни оьрчIшиврул гъантри.
Лултту дирзсса мучIал дурухлу кунна,
ЛирчIунни дакIниву къурчIисса ттангъри.

Циваннив, аьгу тIий, на ххира айвав
Бургъилу шядиркIсса чIаххуврал къарил.
Ттун ччяни дурчIунни гай мукъал савав:
Ятин ххира айсса ивкIун ур ганил.

Ятин! Бутта акъу. Царив, кIиярив?
Ци тахсир хъуссар ттуй, на ятин уван?
Агъ, къабучIиссиявкъай ва дуняллий,
Жулгу ппухъру буну, жугу шадну хъян?

Ттуршая був чугу хъюву къабивтун,
Ларгунни оьрчIшиву хъув чIаллу батIлан.
Къавкъ ччатIул парчагу хъуву лабивтун,
Ларгунни маршраву бярч канаки бан.

Чунна тIий, чунна тIий,
оьрчIшиврухъ цIухлай,
Къапулухун увккун, мюршну ябитан:
ДарцIуну дур нину, хъирив дуруглай,
Мукъал ккузригу бур ххарисса иттав.

Ххарину дур нину, на хъуна хъанай,
ОьчIарарайн чIила шун дуранугу.
Пашманну дур нину, на хъуна хъанай,
Ппу лавгсса дяъвилул чIу бухлавгунугу!

**САЛИМАТ
КЪУРБАНОВА**

Ххуллухъин баннав

На вин дуллуссия,
Вин дуллуссия
Интин шадшивугу,
Ххуй тIутIал къанкъу.

На вин дуллуссия
Бургъил тIинттугу,
ТIинттуну пар тIисса
Ттула яругу.

Вил хъхьичI, майдан куна,
ДакI тIиртIуссия,
Зунттуксса лахъ увну,
АцIан увссияв.

На вин буллуссия
Цан хъхъуну цIубарз,
Вин ххуллу къабяйкъин
Буттахъал тIювайн.

Багъунни вин ачин –
Ххуллухъин баннав!
Ххуллул гъалмахчуну
Ттул дакIгу хъуннав!



БУЛБУЛ ОБМАРИЕВА

Аъзисса арсру аърай бусса нит-тихъул!

Зул паиманишиврул чIарах къабуккан, зул шану бакъасса хъхъурдугу, дакIнивусса къювурдугу чIалай, виртталсса ва эбратансса арсру хъуни бусса зун хас дурну, чичав на вай ца-кIира назму. Хъулданийгу бура, чIумуй дявирдугу яла лавгун, паракъатсса бигъа-рахIатсса оърму ялун биансаррхха тIий.

Жалин щазар мабара

Дуручча, бавал, Ватан,
Шала дуца дунял,
Вил ппу дявйлий ливчIсса,
Щазардича вил бава.

Ссавнийх цупарду ришлай,
ЛачIлайна дур гъаралгу,
Ялунмай хъювхъу тIий бур
Вих ялугъи яругу.

Бавал, на кунма, щазар
Мабара вила жалин,
Ниттил лякълува уна,
Ятин шайча арсная.

Дуручча, бавал, аърци,
Шала дуца дунял,
Инавагу цIарава
Цуллуну зана икIу.



Виричунаха

Оьсса дуняллул
Дазуй авцIуну,
Душманнал хъхъичI ияв
Ина къалану.

Базурдаву бусса
Бюхъу харж буллай,
Къаст оьминнайн къутIин
Ччалану ацIлай.

Илданул талихIрал
Дазуй авцIуну,
Ина жан дуллунни,
Жард къаувкуну.

НякI цIарал къамарай

НякI цIарал къамарай
Ссаврду хъядуклай,
Ссурулун хъхълай бур
Чаннаннил дучри.

Бюхттулнийн гъаз буллай
БивкIуллул байрахъ,
Янсаврал ламарайн
Буклай бур виртгал.

Жагъилсса жандалий
ХIайп къаувкуну,
НякI цIарал ламарайн
Хъхълай бур виртгал.

Адабиятфал
лаъсин



Аьрасай вирттавраха

Аьрасатнал тарихрай
Буссар мудангу чичлай
Чаннаннил дакIру дусса
Вирттавраал бюхттул балай.

Рурцуну балабанттай,
Рирщуну накъархана,
Тархъан ххувшаврил ттугъай
Ххаллил накъичру дуссар.

Щарал игитътал майшан,
Ща дурк вирттал дахIалай.
Даиман буссар дакIний
ХхюкъянцIа цIуртгал балай.

Щуллу баннав Аьрасат,
Яаннав Заннал Путин,
Тарихрал цIакъсса дарсру
Дунъяллухъ дихълахъисса.

Буру мудан дуаьлий,
МукIруссару ххувшаврийн,
Жула виртгал шаппайнмай
Ччяни зана хъуншиврийн.

Мустангир РАМАЗАНОВ,
ш. ЧIайми



Февраль зурул байран



ПатIимат РАМАЗАНОВА

На школалий дуклакисса ппурттуву бавахъал Ватан дуруччайминнал кьинилийн кутIану февраль зурул байран учайва. Цуппа шярваллил кIанттай байраннайн март зурул, май зурул куну кутIа бай. Амма цинявнинан кIулну бикIай цумур байрандалиятурив ихтилат.

ХIакъину чIявусса жагъилтуран ва оьрчIан февраль зурул байрандалия, тарихрая личIину кIулшиву къакулли. Гъашину, байран барачат хъуну, мукъра бигъалагай кьинигума ккаккан дунни. Бусанну кутIану байрандалул тарихрая.

Ва байран цIакъ дурну дур 1922 шинал, Совет Союз хIасул хъанахъисса бакIшарашуйсса ппурттуву. Таний ванийн ЯтIул армиялул кьини учайсса бивкIссар, ва байрандалул оьрмугу 24 шинал мутталейсса хъуссар. Тания махъ байрандалул цIарду даххана хъуссар, амма число, дата даххана къархъуссар:

1922-1946 ш.ш. — ЯтIул армиялул кьини;

1946-1949 ш.ш. — Совет армиялул кьини;

1949-1993 ш.ш. — Совет армиялул ва Хъхъирил аьралуннал кьини;

1993-2006 ш.ш. — ЯтIул армия Германнал кайзернал аьралуннаяр ххув хъусса кьини (1918 шин) — Ватан дуруччултрал

кьини, 2006 шина хIакъинусса кьинийин — Ватан дуруччултрал кьини.

Гъаннайсса, даххана хъанай диркIун дур байрандалул цIа, дахханашивуртту хъанай диркIун дур билаятрайгу, мунияту 23-мур февраль Совет Союзрай ва Аьрасатнал Федерациялий личIи-личIисса датардур, амма вай датардал аьмсса тарихрал мархри бур. Февральданул 23-мур кьини мудангу къадиркIссар бигъалагай кьини. Аьрасатнал хъуниминнал ва байран бигъалагай кьинину цIакъ дурссар 2002 шинал, армиялул ва аьралитурал хIурматран. Ва байран лахъа-хъунну кIицI лагай Совет Союзравун дагълай диркIсса чIявусса билаятирттайгу, хаснува Белоруссиянаву, Къиргъизиянаву, Таджикистаннай ва м.ц.

Утти байрандалул хIакъиравусса цаппара пикрирдугу.

Алхас Асланов:

— Украиннаву жулва чиваркI талай буну тIий ва байран хIакъину личIинура кьиматрай дикIан аьркинсса кунна чIалай ура. Байрандалул кьимат ялу-ялун гъазгу хъунсар тIий ура. Ватандалул мурадру буручлачисса чиваркIрихха, тай хIакъину тукун къанкъану къабацIарча, гъунттийсара жува тайннал кIанттай окопирттаву хъун бюхъайссару. Дякъиву, замгъарданува яхI бунни, буллайгу бур. Мунияту, хъхъичI ирглий, барча бунан ччива кьини

чувшиврий лахълахъисса виртгал. Тайннан, аьрай бунугу, байран дувансса хIалу дагъаннав, циняв цуллуну шаппай зана хъуннав тIий ура.

Раисат МахIаммадIажиева:

— Ватан дуруччайминнал кьини тIурчагу, ва байран жучIара арамул кьини хIисаврай машгурну дур. Жува, аьралий статус дусса, дакъасса хIисав къабуну, циняв чиваркI барча бувару. Нагу ттула ичIувацириннан хIадур дуллай бура бахшишру.

Юнус Ибрагъимов:

— Ва кьини къулагъас дувай аьралий иширттаву гуртту хъуминнах, хаснува ветерантурах. Ххуйри. Ххувшаврил байран укунсса барча бавурттан чанни. ЧиваркI бакъагу, душругу къуллугъ буллай бур армиялий, аьралий иширттаву хъхъичIунну бур. Вайннухъ барчаллагъ учинсса, вайннал савлугъ дувансса байран душиврия зарал бакъаррха.

Ися Аминов:

— Ккалли дансса байран дур, ххарисса, бигъалагай гъантри бур. АрхIал дуклакисса душаврал одеколон пишкаш къадуварча, жулардурагу пишкаш дуванссар. Тгун ми, циксса духъурчагу, диял къашай. Къадуварчагу, къапашманна. Тгунна бахшиш дарча, хъаннил байрандалул гъантрай душавран ци пишкаш дуван хъинавав тIий буруккин багъай, багъригу зума чIалай буррха, ххуйсса аьтри ласун шинайсса стипендиявагу биал къагъахъунссар.

Барият Хизриева:

— Цинявгу вай жулва бишин-битан кIану бакъа ххирасса, бусравсса чиваркI барча буллай бура. ЧиваркIуннал хIурмат бикIан аьркинссар, чиваркIуннал хIурмат лахъну бакъахъурча, цукунчIавсса барачатшиву жяматрай къадикIайссар. КIилчинмур классраву дуклакисса арнал душ бия школалий цащалва дуклакисса оьрчIру барча бунан арцу датлай буссиявча, къадуллуссагу хъунни тIий. Гъаксса тIайласса давур учав. Ва ттул арнал душни барча увсса оьрчIан цува барча аву дакIний личIантIиссар, асар къавхъуну къабикIайссар. Чувнал хIурмат бунаннив, кIанттуву бахIайнива тIиссаксагу, лахъхъин буллан аьркинссар.

АхIвал къулай баву мурадрай

Вай гъантрай МахIачкъалалив хъунни социал иширтгал ведомствардал комиссияртгал дянивсса батIаву. Идарарттал комиссиялул цалчинсса батIаву хъунни ахIвал-хIал лавай баву ва захIатсса тагъарданухун багъсса инсантуран кумаг баву мурадрайсса социал къутIирду даврил масъаларттан хас дурсса.

Имара САИДОВА

Шикку гуртту хъунни ДР-лул ЗахI-матрал министрствалул социал выплатардал управлениялул хъунама МахIаммадкамил ХIасанов ва контроль-ревизияртгал отделданул пишкартал.

Шиккува бувчIин бан, мукъра жулалул «Социал контракт» дуллалиссар ахIвал кIюласса кулпатиртташал. Социал контрактрайн буну хъунмасса кумаг хъанахъиссар ахIвал-хIал кIюласса, захIатсса тагъарданухун багъсса кулпатиртгал даража гъаз баврин.

Контрактрал шартIирдайн буну, хIукуматрал чулуха арцуинусса кумагру буллай бур агъалинал багъу-бизу къулай баву мурадрай. МунишIун бавхIуну, хIукуматрал чулухасса кумаг къамул бусса инсантурал бакIрайн ласлай бур ми арцу кулпатирттал ахIвал-хIал къулай баврил ххуллий ишла дан.

Ва ххуллух ххал бивгъунни «Социал контрактрал» проектрай гуртту хъун буллуна бивкIсса 61 аьрза. Заседаниялул даврил хIасиллайн буну къамул бунни 22 аьрза, миннува 3 аьрза бия цивппа заллусса даву дачин дансса ниятрайсса ва 19 аьрза бия захIатсса тагъарданува бункансса кумагрансса.

2023 шинал федерал бюджетрава итадаркъуну дур Дагъусттаннал Республикалий 5901 социал контракт дузрайн дуккан дансса арцу. Вайннува 1541 социал контракт ккаккан дурну дур цанна хасъсса даву ххал даврил хIакъиравусса, 1603 дур цивппа заллусса даву тIитIинсса кумагрансса, 1400 дур хозяйстварду дачин даврин кумагрансса ва 1357 захIатсса тагъарданува бункансса кумагрансса.

Ватан дуруччултрал кьинилун хасну

Ватандалун аьркинсса давурттал усттартал




Султан Ятйев

Кьуруллал шярвасса инженер-технолог **Ятйев Султан Сулайманул арс** ур М. Хажиевлул цанийсса заводрал зузалтравугу, шикку зузисса лакравугу, заводрал цехирдал начальниктравугу яла жагьилма. Оьрмул 17 шинаву увкIун ур Султан заводрайн. Ва ур 17-мур цехрал начальник.

Султан увну ур Шурагь 1987-ку шинал. Шагьрул 2-мур школагу кьуртал бувну, увхун ур ДГПУ-лун, лавсун бур педагог-психологнал пиша. Заводрай зий ур 2005-ку шиная

Ларгсса шинал ахирданий **МахIаммад Хажиевлул** цанийсса заводрал кIицI ларгунни 90 шинал юбилей. Завод – му хьхьичIвахьхьичI зузалтри, цимирагу тонна дусса оборудование зузи дувансса бакIгу, каругу дусса, билаятрал мюхчаншиву дуруччавриву буньяласса бутIа бихьлахьсса. Заводрал тарихгу чичайсса вайналли. Ва заводрай хIакьину зузисса лакрая чичлай жу байбихьхьиссияв ларгсса шинал ахирданий. Чикъавчуну ливчIминная тIурча, Ватан дуруччайминнал кьинилуцIунгу бавхIуну буслай буру.



Исрапил Чалавиев ва Шарип Аьлиев

цанийсса институтрал приборостроительный факультетрайн. Амма, ва кьуртал бан хьирив кьалавну, Аьралий буржгу лавхун, увкIун ур заводрайн 1972-ку шинал токарьну.

Айгунов Ажуб Ибрагьимлул арс увну ур Щуссалакра райондалийсса Щуссаккуллал шярвуву. Аьрая зана хьуну, хьхьувайсса отделениялий Механический техникумраву дуккавугу дурну, 1987-ку шиная шийнай зий ур заводрай – 18-мур цехраву. Зузиссаксса шиннардил мутталай ванай аьй дурсса, хьуними ваная рязи бакъасса кIану хьуну бакъар. Рулевой машинарттансса пуржинартту буллай, итадаркъусса продукциялул гравировкалулсса буллай, яни гьарца затрайн цийнна-цийнна лачIун дувайсса табличкалулсса, маркировкалулсса, клеймордалсса буллай, зий ур ва. Ва ур станокирттал оператор. Вайксса шиннардий давугу канилух дурккун, зий ур Ажуб бигьану.



Ажуб Айгунов

шийнай, 2008-ку шиная шихунай – отделданул начальнику. Цанасса чIумал Султан дуклай ур ДГТУ-лувугу. Заводрайсса цалла агьаммур даврицIун Султан хьхьичIунну биттур дуллай ур жяматийсса давугу. Ва хьанай ур заводрал Жагьилтурал советрал председателъгу, шалагу Аьрасатнал халкъуннал фронтрал жяматийсса партиялул Дагьусттаннайсса отделениялул членгу. Заводрай ДР-лул Жагьилтурал иширттал министрствалушчал цачIуну ванал дурссар пишардал ярмаркIагу (WordSkills).


Гьумучатусса **Чалавиев Исрапил МахIаммадлул арс** хьанай ур ва заводрал аксакалтуравасса ца. Гьумук увну, школагу кьуртал бувну, Ибрагьим увхун ур Москвалив Бауманнул



ХIамзат Ибрагьимов



Алхас Кьурбитаев



Камил ХIажиев



МахIат Турланов

Увурдал шярвасса **Ибрагьимов ХIамзат Мирзал арс** заводрай зий ур 50 шинал лахьшиврий. Ва ур токарь. ХIамзат, МахIачкъалаллал шагьрулул 6-мур школалий 8 классгу бувкуну, 1973-ку шинал увкIун ур шиккун. Ученикуну цува увкIсса

18-мур цехравува зий ур ттигу. Заводрайн увкIун махь кьуртал бувну бур Механический техникум. Ванал дуллай ур судостроительный промышленностьран аьркин шаймур (шийнайх бачайсса хьуни жамирдан



Ватан дуруччултрал кьинилун хасну

Ватандалун аьркинсса давурттал усттартал



Зайнуллагь Халилов



Хажимихаммад Абдуллаев



Хажидуррахиманов

аьркинмур). Хаснура цанасса санкциярттал чумал шикку гьарзат цалла дулла бур. Ванал канила дуркмур най дур гихуннай Санкт-Петербург, Калининград, Ашттархан ва цаймигу шагьурдайн. Захматшиву му дур тий ур Хамзат, цанасса чумал жагилтал заводрай зун най бакъашиву, цалва клану бугансса цайми бакъашиву. Ванал нину-ппу Залму ва Мирзагу зий бивкун бур шиккува, мукумма-ссу ва уссугу.

Цалчинмур ЦувкIуллал шяравасса Кьурбитаев Алхас Сулайманнул арс ва заводрай зий 10 шин хьанай дур. МахIачкьалалив школа кьуртал бувну, Педагогикалул институтраву индустриально-педагогический факультетгу бувккуну, зий ивкIун ур колледжраву мастерну, школалий захматрал дарсирал, черчени-ялул учительну. «Авиаагрегат» заводрай зийгу шинну дурну дур. Ва завод лавкьуну махь, Москвавил лавгун, пассажирский вагонну бакьин бувайсса «Войтовичлул цанийсса» заводрай зийгу ивкIун, яла увкIун ур М. Хажиевлул цанийсса заводрай. Шикку Алхас ур слесарьну, аьралий хьхьирил ва граждандан жамирдал деталлал ялув бацIаврил, вай датIаврил давурту дулла.

Ва заводрай зий ца шин шавай дур ЧукIуннал шяравасса



Мурад ХIусайнов ва ХIажиаьли Мусаев

ХIажиев Камил ХIажинал арнал. МахIачкьала шагьрулул 8-мур школагу кьуртал бувну, Камиллул бувккуну бур Механикалул техникум, Политехнический институт. Зий ивкIун ур «Авиаагрегат» заводрай, «Азимутрай», инженер-технологну. М. Хажиевлул заводрай ва зий ур хьунама технологнал отделданий инженер-технологну ва инженер-программистну, ста-

нокиртансса программартту дулла.

1989-ку шиня шийнай зий ур шикку Кьуруллал шяравасса Турланов МахIат Абдулкариннул арс. Школагу кьуртал бувну, аьралий буржгу лавхьун, увкIун заводрай, зий ур шикку прессовщик-вулканизаторщикну.

1982-ку шиня шийнай зий ур заводрай Цийшиял шяравасса Халилов Зайнуллагь Юсуплул арс. Лаккуй школагу кьуртал бувну, ватандалул хьхьичИсса цалва буржгу лавхьун, увкIун ур шикку зун, зий ур 2-мур цехраву наладчикну.

Буршиял шяравасса Абдуллаев Хажимихаммад ХIусманнул арс, 2-мур цехрал слесарь-сборщик, зий ур шикку 1977-ку шиня шийнай.

Убурдал шяравасса Абдурахиманов Хажидуррахиманул арс заводрай зий ур 1978-ку шиня шийнай. Гьумук 8 классгу кьуртал бувну, армиягу лавхьун, увкIун ур шиккун. Ва ур ЧПУ-лул (числовое программное управление) оператор.

ЧукIуннал шяравасса ХIусайнов Мурад Шарапуттиннул арс, шагьрулул 34-мур школагу кьуртал бувну, Политех институтгу бувккуну, личИлицисса кIанттурдай зийгу ивкIун, 2017-ку шинал увкIун ур М. Хажиевлул цанийсса заводрай. Ва ур электроникалул отделданул инженер-электронщик.

ШавкIратусса Аьлиев Шарип АхIмадул арс зий ур 1981-ку шиня шийнай. Зий унува кьуртал бувну бур Механи-

ческий техникумгу. ХьхьичИва шикку зий бивкIун бур ванал нину-ппугу, кулпатгу, кулпатрал ппугу. Шарип ур токарь.

Вай бакъассагу, заводрай ялагу зий бур кьачансса лак: Хьюлуссунналшяравасса МахIаммад Аьбидов (хьунама технолог), Кьяннал шяравасса Михаил Оьмаров (проектирдал каялувчи), Ваччатусса Кьурбан Кьурбанов (сверловщик), Буршягтусса Камил Гурбанов (слесарь-сборщик), Щаратусса Шамил БахIаммадов (цехрал формировщик), Бархьаратусса Ибрагьим Кьаллаев (лекальщик), Вихьиятусса Аьлил ва ХIажидуррахиманов Хажидуррахиманов (сверловщик), Гьумучатусса Аьбдул Халилов (бюрорал начальник), КIилчинмур ЦувкIратусса Сайпуттин ЯхIияев (инженер), Аьхьаратусса Казим Гьашимов (складрал хьунама) ва цаймигу.

Ватан дуруччултрал кьинигу барча тий, чIа тий буру ва заводрай зузисса жула лакрал чиваркIуннал кулпатиртан нахIушиву, вайнал давриву хьхьичIуннайшивуртту. Зу дуллалимур Ватандалун ва вайнал инсантуран паракьатса дуньялий дакьа ишла дуллан кьабгаваннав.

Бадрижамал АьЛИЕВА

ЦIулла-сагъшиву

Вакциналия махьаллил шаврил захматсса тагьар

Зулайхат ТАХАКЪАЕВА

Вай азардацIун дархIусса эпидемиологиялул тагьар лап захмат хьанай дур агьали вакцинарттая махьаллил шаву сававну.

– Укусса азардая нигьачIаву дакьассар тIутIисса хаварду шялуусар. Лахьай азардая оьрмулун хьуннасса нигьачIаву дуссар, ми хьинну анаварну ппив хьуну дачаврия, хIатта эпиде-

Дагьустганнай хIасул хьуну дур вакцина бан аьркинсса лахьай азардацIунсса захматсса тагьар. СияхIрайн ларсун дур анаварсса бушилий лахьайсса азарду: эпидемический паротит – 479 иш, коклюш – 489 иш, мусикьеп – ххюва иш.

миялул тагьар хIасул хьун хьун-масса иш ливчIун бакъассар, – тий бур республикалул лахьай азардал ва СПИД-рал центрданул хьунмур хIакин РавхIаният Мирзоева, вакцина баву кьашайшиврийн баруну бацIайшиврий чIурчIавгу дулла.

Жула билаятрай вакцина бул-

лай бур Аьрасатнал Минздраврал цIакь бувсса профилактикалул прививкардал Национал календарьданул лагрулий. Му календарьданувун багьлай бур В журалул гепатитрайн, дифтериялийн, коклюшрайн, мусикьеплийн, полиомиелитрайн, туберкулезрайн, эпидемический па-

ротитрайн, гемофил инфекциялийн, пневмококкрал инфекциялийн ва гриппрайн кьаршисса ххалаххив.

Ми ххалаххалгу дур инсаннал иммунитетрацIунсса дахIаву. Вакцина баврийну чурххаву хIасул шайсса дур лахьай азардая бурччинсса антителарду. Мукумнасса антителарду хIасул шайсса дур инфекция дурхIуну махьгу, амма лахьай азар диярча, му бюхьайссар хьиличингу.



Вакциналул иммунитет тIурча лахьа лагайсса дур шиннардий. Цаппарасса вакцинарттал иммунитет тIурча, дийясса дур бусса оьрмулийгума.

Жула Росгвардия Жанну дуллуми дакИнийн бивчунни

Ватан дуруччултрал кьинилуцун бавхIуноу, Дагъусттаннал Росгвардиялул вневедомственный кьаралданул зузат гьуртту хьунни «Ленточка памяти» тIисса патриот акциялуву.



Анриана АБДУЛЛАЕВА

Акция хьунни МахIачкьалалий, Лениннул комсомолданул цIанийсса паркраву. Ва сакин дурну дия «Ххувшаврил волонтертл» тIисса цалагу Аьрасатнал жьматийсса суккушиннарал региондалул отделениялул. Мероприятилий гьуртту хьунни Аьрасатнал Виричу, 1999-2004-ку шиннардий МахIачкьалалал ОМОНдалул командирну ивкIсса милицанал полковник Загьид Загьидов, МахIачкьалалал администрациялул вакилтал, республикалул жьматийсса ва жагьилтурал организациардал члентал.

Митинграл гьурттучитал Ватан дуруччултрал кьинилушал барча буллау, Загьид Загьидовлул кIицI лавгунни ва цинявпагу инсантуран бусравсса, жула билялтрал тарихрацIун ва ватан дуруччайсса кьучагьтурацIун дархIусса байран душиву.

- Ватандалияр хьхьичIунсса цичIав дакьассар. Му кIулну



бивкIссар жула буттахангу, буттал буттахангу. ХIакьинугу жуйна Ватандалул цIаний бацансса кьини дурккунни. Щак бакьар, буттахангу эбрат хьуну, жула аьралитал, циняв захIматшивурттугу дурхIуноу, цIуллуноу, сагьну шаппай зана хьуншиврий, - увкунни Загьид Загьидовлул.

Мероприятиялул гьурттучитурал баян бунни минутрайсса пахь багьаву, дирхьунни тIутIив Аьраличунал гьайкалдануцI.

Кинологтурал ккаккиартту

Уттигьанну Москвавил хьунни «Лучшие собаки России – 2022» тIисса Щалагу Аьрасатнал выставкалул рейтинграй ххув хьуминнан наградартту дуллалисса шадлугьрал мероприятие.



«Яла ххуйма кинолог ва яла ххуймур кьуллугьрал ккакчи» номинациялий ххув хьуминнавух бур хасьсса аьралий операциялуву гьуртту хьунна Росгвардиялул пишакартал ва миннал вардиш бувсса ккакчач льякьуну бур душманнал ярагь бусса 77 кIану, 30 азарунния лирчусса пIякь учайсса затру, 720 килорая ливчусса янса, 260 азарунния ливчусса личИ-личИсса калибралул боеприпасу ва 270-нийн бивсса битай ярагь.

Хасьсса аьралий операция байбихьунния шийнмай Росгвардиялул кинологтурал ва миннал вардиш бувсса ккакчач льякьуну бур душманнал ярагь бусса 77 кIану, 30 азарунния лирчусса пIякь учайсса затру, 720 килорая ливчусса янса, 260 азарунния ливчусса личИ-личИсса калибралул боеприпасу ва 270-нийн бивсса битай ярагь.

Хасьсса аьралий операциялуву Росгвардиялул кинологтал мюхчан буллау бур агьамшиву дусса объекту ва цала аьрали-тал бусса кIанттурду, кIул буллау бур пIякь учайсса затру ва ярагь бусса кIанттурду.

Жула вирттал

«Ттун хьиннува мачча хьунни Дагъусттан»

Вай гьантрай ттула «Телеграм-каналданий» Алик Гьазиевлуа цIусса пост чичлай унува, хIисав хьунни нава вана чья-чьяни чичлай ушиву, цайминнаянир чIявусса вана чивчуну бушиву. Миккува хIасул хьунни укуссса пикригу: «Украиннал аьршарай хасьсса аьралий операция байбихьунния шийнмай, тикку ливтIуминнал сияхI лахьисса духьурчагу, хIатта жула Ухсавнил АьсатIиннавагума кIиттуршуннича ливчусса хьуну бухьурчагу, циванни ттун Аликлумур бивкIу ляличIиннува куртIну бовхсса, цалагу ттула янин кьаккавксса оьрчI унува, тIисса.

Мукун бухьунссар тIий ура, цалчин, Алик мукьва ссил дянивсса увагу ца язисса арс ивкIшиву. КIилчингу, дустурал бусаврийн буну, Алик хасьсса аьралий операциялийн лавгун ур азархалия итаавкьуну хьирив кьинива, хIакинтурал кьадагьа дулай бунува, цашала ччатлул касак кIибачIлай бивкIсса гьалмахтал бивкIулийн лажинну бавцIусса чIумал, цаша тайннал ттиликIрах лаикIан кьашайссар тIий.

КьалякьинтIиссар хIакьину жучIа цуя-ца аьсатIин Аликлул ца кьакIулсса – ацIния ххюлчинмур региондалул соцсетирдай чансса бакьар ва дакИнийн утлатими. Дагъусттаннал агьулдания ттун ттинин кIулссия так ттула лагма-ялттунал бусаврийну: ми хьамал ххирасса, ттуршукурдал лахьшиврий чIявусса миллатру кувнишчал кув бавкьуну ялапар хьанахьисса агьлу бушиву. Дагъусттан ттун хьиннува гьанну кIул хьунни Аликлул кулпатрайхчил. Цала кьюву рахIат хьуннин вай бивкIун бия Аликлул архIал жан дуллусса Аслан Найфоновлул кулпатрахь жижара бан. Ньюмаркьини, ахттакьунмай, хIатталлийн агьлу батIайсса бушиву баяйхту, тиччава лавгун бия хIатталлийн, тайми-тайминнал мачча-гьанминнашалгу кьурчIшиву кIидачIин. Лавгун бия шавурду дирминнал ялтту буккангу. Тания мукьах рукацайсса дахIаву дур вайннал Аликлул гьалмахтурашал, хIакьину хасьсса аьралий операциялий талатиминнашал хаснура.

Аликлул гьалмахтурал бусаврийн буну, ванал ниттирссил Зулайхатлул «Ватсаправу» сакин буну бур «Аликлул дустал» тIисса группа.

«Жул пикрилий, Зулайхатлул ва группа сакин бивхьунссия дустурая Аликлулалсса суратру, дакИнийн бичавуртту датIиншиврул. Наслу махь кьаливчIун дунияллия лавгсса ссил арсна ливчIсса язисса аьпагу, хьусгу, ххазинагу жу хьуну буру ванин. Ва группавусса хIала-гьурттушиврул жул дакIру лапра мачча дурунни. Агарда хьхьичIва жу бивкIхьурча анжагь укунмасса аьралий гьалмахтал, хIакьину жу уссурваллу, ца кулпатру», – тIий ур тиха кIусса шаву дирну зана хьусса Азамат Макиев.

ЧIяву миллатру бусса Дагъусттаннал агьлу ттуршукурдал



Алик Гьазиев

дянив цашиврий, дусшиврий ва дакьаврий ялапар хьанахьаврил лишанну на ккалли бавияв Аликлул кулпатру. Махь-зуманив на чIявусса ккалай ура Дагъусттанная, ттигьанну буккав Хьусрациял шьраваллия. ХIайран хьуну ливчIунна – ва чIирисса шьрава бивкIцири машгьурсса инсантал! Вай цIардаву хьхьичIххуттай личIантIиссар жул аьсатIин миллатрангу мачча хьусса Алик Гьазиевлумур цIагу.



Гьалмахтурал аьпа буручлай

Алик Гьазиевлу ва Аслан Найфоновлул чувшиврий жанну дуллусса кIанттай Запорожскалал областьрайсса Гладкое шьравалли зума кьирагьрай вайннал аьралий гьалмахтурал дацIан дурну дур мемориал. Бусурманнал лишанну хьанахьисса цIубарз – Аликлул аьпалун, ххачпараснал лишанну хьанахьисса ххач – Асланнул аьпалун.

Оьзру хьуссар 2022 шинал июнь зурул 11-нийн Запорожскалал талатавриву. Аьралий мурад биттур буну махьунмай нанисса Владикавказуллал пехоталул минометрал расче-

трал талаталт бусса аьралий КамАЗ ххит бансса мурадрай, душманнал ДРГ-лул (диверсионно-разведовательная группа) пIякь чин дурну дур НАТО-лул ракета (NLAW) итадакьин кьаст лархIуну дирхьусса фугас.

Хавар бакьа ялун дирсса цIараву захIматсса шавурду дирсса жула аьралитурал кьучагьшиврийну ххит увну ур душман. Та кьизгьинсса талатавриву чувшиврий жанну дуллусса кIанттай Алик Гьазиевлу ва Аслан Найфоновлул аьпа абад бансса мемориал дурну дур вайннал гьалмахтурал Александр Дубининнул, Руслан Дзерановлул, Михаил Казиевлу, Николай Столяровлул цала харжлугьрах.

Хьунмасса бия ванал пишакаршиврул бияла

Хасьсса аьралий операциялийсса жула аьралитурал даврия бусласисса «DONSTOPWAR» тIисса «ЮТУБ» ва «Телеграм» каналлай ттигьанну бивккунни Владикавказуллал пехоталул минометрал расчелар архивравасса кадрарду. Минометрал даву ккаккан дуллалисса видео ларсун дур апрель зурул 26-нийн.

Минометрал талаталт зий бур саргьунну, ца метра ва кьура сантиметр дусса минометрал сурсатирттава душманнайн цIу дихьлай. Миномет зузи бан хIадур буллау ур хьунама наводчик Алик Гьазиев. Талатаврил сурсатру кьуртал хьуну махь, минометрал расчел анавархьиндарай кIура дарну, 210 килограмм дусса минометгу КамАЗ-райн лахьан буну, бахана буллау бур кIану, цанчирча душманнал, чIирисса чIумул мутталый цIу дуркIсса кIанугу кIул буну, махьуннай цIу дилин бюхьавай тIий. Ца минутрал аглан хьурчагума, муния талаталтрал оьрмулун хьуннасса нигьачIаву дуссар.

Шикку шала расчелар даврил чIун хьар хьанай дур миномет зузи бан хIадур буллалисса Алик Гьазиевлу пишакаршиврия ва усттаршиврия. Хьинну захIматсса ва нигьачIисса даву Алик биттур дуллау ур хьинну лавайсса даражаллий, шала подразделениялул ва цала аьралий гьалмахтурал оьрмурду буруччаврил ялув цайра хьуннасса жаваблувшинна дуну.

Запасрайсса хIаписар
Олег МАРЗОВЛУЛ
телеграм-каналдания



Жижара


**МАХАММАДУЛ
ДУШ СУНГУРОВА
СИЯНАТ**

Ормулдул 66 шинаву, азардануша ххассал бан кьавхуну, жуятува лавгунни ххаллисса хьамитайпа, гьанминнан, жяматран бусрав бусса, яхлил бувчусса, дакI ПиртГусса, гьарцаннал чIарав бацIан хIадурсса Сиянат Ссунгурова.

Ва бувну бур 1963-ку шинал Кьукуннал шяраву Шагьмай-хьал МахIаммадул ва Гьапур-

хьал Айзанатлул кулпатраву. 1963-ку шинал МахIачкьалаллал 4-мур школагу бувккуну, бувххун бур Дагьусттаннал паччахIугьрал университетравун, кьурталгу бувну бур му лавайсса кьиматирттай. Муния махь зий бивкIун бур Грозналий Социал шаллушиндарал министерствалий бухгалтерну. Ташулул хьуну мукьах яхьанай бивкIун бур Каспийскалий. 1980-ку шина 2000-ку шинайн бияннин зий бивкIун бур Точный механикалул заводрай бухгалтерну.

Муния мукьах, пенсиялийн букканнин, Сиянат зий буссия федерал инспекторну. Ванил лайкь дурну дур «Референт государственной службы 1 класса» тIисса чин.

Чув зурчагу, гьарца кIанттайгу бусравсса инсанну буссия.

Сиянат аьпалухьхун лагаврил кьурчIишивугу кIидачIлай, жижара буллаи буру ласнахь Иосифлухь, арснахь, душваврахь, ссурваврахь ва махьсса цинявпагу мачча-гьаннахь.

Имандалил лавгун хьуннав, рухI алжаннул ххари даннав, махь ливчIиминнал оьрмурдай барачат бишиннав.

**Даврил уртактал, дустал,
цинявпагу ина ххирами**

Баян

Редакциялулун дархIусса тIалавшиннардайн бувну, «Илчлий» бишлашисса жижараттал текстру буссар укунсса багьрал лагрулий: укунмасса жижара – 200 кь., суратрашалсса некролог – 500 кь.

«ИЛЧИЛУЛ» редакция

Объявление

Утерянный аттестат о среднем образовании за номером 7335841, выданный 2002 г. Кубинской средней школой Лакского района РД на имя **Итгевой Патимат Гасановны**, считать недействительным.

Цалчинсса рейсру

Февраль зурул 15-ний МахIачкьалаллал АхIмад-Хан Султаннул цIанийсса аэропортрай «Редвингс» авиакомпаниялул цалчинсса рейс дунни Тель-Авиврайн.

Имара САИДОВА

МахIачкьалаллал аэропортрай цалчин Израильнавун лехан нанисса пассажиртал барча бунни «Аэропорт-Махачкала» АО-лул генеральный директор Саэд Рамазановлул ва «Редвингс» авиакомпаниялул вакил Калимат Абакаровал.

«Редвингс» авиакомпаниялул чулуха МахIачкьалалия цумурбунугу ца шагьрулийн укьа лехан ихтияр дусса сертификат ва сувенирду дулунни ва чулухунмай леххан цалчин билет машин лавьсса Загьират Элсиевал.

Сувенирду дусса комплектру булунни Израильнавунсса рейс тIитиннин хьунмасса хIаллай ялугьлай бивкIсса кIилчинма ва шамилчинма пассажиртурангу – Сергей Дионидислул ва Алина Жаданнун.

ШикьувакилцIаган, пассажиртурал чулухасса тIалавшиннардайн бувну, нюзмардий цал дуллан тIий диркIсса рейсру, уттиния тийннай нюзмардий кIийлла дуллансса пикри хьунни.

МахIачкьалаллал аэропортрай 2023 шинал апрель зурул 23-нния байбихьуну тIитиннай дур Оренбурграйнсса цIусса рейсру. Рейсру дуллантIиссар нюзмардий кIийлла, тталат ва нюзмаркьинирдай Nordwind авиакомпаниялул Boeing 737-800 самолетирттай.

Ва рейсрайнсса расписаниялийн бувну, тталаткьинирдай МахIачкьалаллал аэропортрай самолету лехлантIиссар 13:25 сьятраву ва Оренбурграйн дукIлантIиссар 17:40 сьятраву (ххуллул манзил бур 2 сьят ва 15 минутIрайсса).

Оренбурграй махьуннай МахIачкьалалийнсса самолетирттал рейсру дайдихьлай дур 18:40 сьятраву ва МахIачкьалалийн диллан тIий дур 19:00 сьятраву (ххуллул манзил бур 2 сьят ва 20 минутIрайсса).

Нюзмаркьини МахIачкьалалия Оренбурграйнсса самолетирттал рейсру дайдихьлай дур 12:30 минутIраву ва Оренбурграйн диллантIий дур 16:45 минутIраву. Оренбурграй махьуннай рейс дайдихьлай дур 18:05 сьятраву ва МахIачкьалалийн диян най дур 18:05 сьятраву.

Билетру машин ласун бюхьайсар аэропортрал кассардая ва авиакомпаниялул сайтрай.

Аьрасатнал аьралуннал тарихрава

1943 шинал февраль зурул 2-ний Сталинград шагьрулухьсса талатавриву Совет аьралуннал ххит бувну бур немецнал аьрал.

1942 шинал май зуруй ЯтIул аьралуннал цаппара часть-ру Харьков шагьрулул чIарав душманнал вив ларсун дур, жула аьрал бух хьуну бур Керчь шагьрулулчагу. Вай гьарзатрал кьиблалул чулухьсса жула фронтрал тагьар оьнивун руртун дур. Душман гьужум бувну най ивкIун ур. Биляйтрал тагьар оьнивун дагьан нанисса чIалан диркIукун, И.В. Сталиннул бувссар бусалдаравун багьсса «Ца ша махьунмай кьаласун» («Ни шагу назад») тIисса хIукму. Ноябрь зурул 23-ний совет фронтитрттал группировкарду Калач шагьрулулча салкьи хьуну, вив лавьссар душманнал 22 дивизия ва 160 часть (аьмну 300-нния ливчусса душман). Ва иширал банд лаган бувсар Гитлердул аьрал.

Сталинград шагьрулий увгьуну ивкIсса 91 азара душманнал саллатIнава чIявусса кьатI хьуну бавчуссар дякьил ва азардал.

Ва хьуссар жула аьралуннал ларьсса яргьсса, бюхттулсса ххувшаву. Ва ххувшаврил Совет аьралуннавун гьавас бувтссар, халкьуннал дакIру тирх учин дурссар. Германнаву тIурча, шанма гьантлийсса дягьу баян бувну бивкIссар.

1904-ку шинал февраль зурул 9-ний Аьрасатнал крейсер «Варяг» ва кьаяхь «Кореец» кьучагьну талай бивкIссар ряхьва крейсерадани ва мьяйва миноносецрая хьусса японнал эскадралушал Чемулько тIисса Кореянал бухталый.

Цукьсагу гуж ххишаласса душманнашалсса талатаву ва



аьрасатнал моряктурал кьучагьшиву бусалдаравун дагьссар. 1904-1905-ку шиннардийсса жунма тIайлабацIу кьавхьусса оьруснал японнашалсса дяьвилый жула моряктурал ккаккан дурсса кьучагьшиву та дяьвилулу яла яргьмур лажинну хьуссар ва абадий лирчIиссар Аьрасатнал флотрал тарихрава.

Гуж ххишаласса душманнал канийн кьабучIан, ттугьгу итакьабавкьуну. цала жами цала бюкьан бувсар кьучагьсса моряктурал.

1945-ку шинал февраль зурул 13-ний Совет аьралуннал тархьан бувссар Венгриянал хьун шагьру Будапешт. Будапештрайн гьужум баву 108 гьантлий лахьи ларгьссар. Душманнал вив лавьсса шагьру тархьан буллаи 80 азарунния ливчусса аьралитурал жанну дулуссар.

Рейхрал дазурдачIан ва баргьлагавал чулинмай совет аьрал гьан хьун кьабитан душманнал шиккун биалсса гуж бивчуну бивкIссар.

1989-ку шинал февраль зурул 15-ний дакIнийн бичайсар чил биляйтирттай кьуллугьрал бурж

биттур буллаи бивкIми.

Ва кьини буккан бувссар Совет аьрал Авгьанистаннал аьршарая. Ва хьуннасса колонналуву махьва-махь Авгьаннал аьршарая увкьсар 40-мур армиялул командующий, Совет Союзрал Виричу генерал лейтенант Борис Громов.

1916-ку шинал февраль зурул 16-ний Николай Юденичлул каялувшиндаралусса оьруснал аьралуннал лавьссар туркнал кьала Эрзерум. Кьалалийн гьужум бувссар февраль зурул 11-ний.

Ххюва гьантлува му канийн лавьссар. Кьавказуллал аьралуннай каялувшиву дуллаи ивкIсса генерал Н.Юденичлул дулуссар 2-мур даражалул Святой Георгийл орден.



1918-ку шинал февраль зурул 23-ний сакин бувну бивкIссар зулалтрал ва хьузалтрал ЯтIул Аьрал. Февральданул 23-ний кIицI дувайссар Ватан дуручайминнал кьини.

Ва кьини Псков шагьрулул чIарав А. Черепановлул каялувшиндаралусса кIилчинмур полкрал аьралитал данди бавцIуссар Петроградрайн гьужум бувну нанисса немецнал аьралуннал хьхьичIунсса кьюкьрайн.

**ХIадур бувсар
А. АБДУЛЛАЕВАЛ**

**Циняв чIуннардил
ва халкьуннал шаэр**

Каспийск шагьрулул 3-мур школалий хьунни халкьуннал шаэр Расул ХIамзатов дуняллийн увккун 100 шин шаврин хас бувсса мажлис, «Поэт всех времен и народностей» тIисса цIанилу.



Бадрижамал АБЛИЕВА

Ва хIадур бувну бия школалул библиотекарь Гьумчатусса Саидат Шяьбановал. Шадлугьран лавхьхьуну школалул акто-

вий зал хIадур бувну бия суратдишаврил дарсирал учительтурал – ГьунчIукьатIрал шярава-сса Камила ХIажиевал ва Уручулал шярава-сса ПатIимат Иб-рагимовал.

Дуклаки оьрчIал дурккунна шаэрнал назмурду, ккаккан бувна ванал произведенийрттайн бувну хIадур бувсса сценкартту. Дуклаки оьрчIал мукунма увкуна балайрду, дуруна кьавтIавуртту.

Махьру лавхьуна школалул директор Мадина Агьаевал, хьамаллурал. Вара чIумал шко-

лалий най бия шагьрулул школарттал библиотекарьтурал семинаргу. Ванийн бувну шадлугьрал хьамаллуравух бия шагьрулул цайми школарттал библиотекарталгу.

Лакрал халкъуннал учаларттава

Иттарцланишиврул дазузума къадиклайссар.

Ичува чувгу, тГулунттух оьлеу чан къабаннав.

Ичувагу – ини, къатГувгу – мучари.

Инсан хьуншиврул так аваданишиву къагъассар.

Качалнай чIарагу, чумарт-начIа хъусгу къадиклайссар.

Куницуллул щинаву – цIаллил гъавккури.

Ккаччингума шярайхукку къаххирассар.

Ккашил лякълун чIяву хавардал цибайссар.

Ккашил хъусса чувнан мучаригу качарди.

Къаккавкнан къакуллссар.

КIачливу цIуку буну, пилта малахъаванна.

КIинтнил лякъа гъарт-ссар.

Ккашилнал дард увчунан къакуллссар.

Ккашил къавтIунгу лахъхин байссар.

Ккашил лякълун шанан къаитлай.

Ккашил лякълун инил къяс-гу бакъухъри.



ХЪАННИХЬ – АРАМТУРАЯ (КЪЮЛТНИЦУХ)

Жува, арамтал ва хъами, ялун буруган бакъасса, кувннаха кув хасиятиртталгу, дакъурдилгу лав-хъхъуса бакъару. Мунияту цаннан ца къабувчIлачIисса ишругу къавхъуну къабикIай. Жува тIабиаътраява личIисса бушиву, бакIравусса пикрирдугу ца-сса бакъашиву, жува «личIи-личIисса мазурдий гьалгъа тIий бушиву» кIивагу чулун дакъиний бикIарчани кулпатраву цаннан ца бувчIлачIавугу, нахIушивугу ххисала хъанан дикIайсса.

ТТУЛ ДАКIНИЙМУР ВИН БУВЧИА ТIИЙ КЪАБИКIАЙССАР

Я адаминаша, я хъамитайпа-луша цаннал дакъиниву бумур ванаша лаласун, буккин къашай-шиву дакъиний бикIан аьркини. Шаллу буван аьркинмуня, жува мюхтажмуня чIаравманах тIун аьркинссар сантирай, паракъатну. Жунма ччимуня, жува къарязи-муня най бунува учин аьркинссар жула чIаравманах, яла, чIун ларгун махъ, ттун ва-та ччай буссия, ина ва къабувунни, та къавукунни тIий, лагу-лахъунттахун, аьй-бювкъурдахун къабагланшиврул.

ЦИМУРЦАННУВУХ ХIАЛА МАБУХЛАРДУ

– Цанма хьинмур ччай, цайва аьтIий, на ласнах ва хьинни, та къахъинни тIутIийни, циванни танан сибизлазисса? Ттун та цал-цал увчIан къаикIай, къюкIсса куна, цахъва тIимур къабаллан икIай, – тIий дуссар шарсса.

– Хъхъувай даврия увкIун махъ шава паракъатну шяикIан къашай, шарссанил дуллалимуня, шарссанил тIимуня ухлай ура, уххан-сса кIантIух луглан икIара. Ттун къатIув, гъавалийн, уккан багъай, – тIий уссар вавур чулуха лас.

МахIатталсса иш бакъарив цаннан ца ххирасса инсантал укун цанная ца тIутIаву, цанная ца бухлаха-ву. ХIасил, аьркиннийгу, къааьркиннийгу маслихIатру булла, гъар-затравух хIала бухлай, зуятува лас чунчу учин мааванну, ххисаласса ссавурданий балуци.

ЦА ДУЛУВАРА, НАХIУССА МУКЪУЙ МЯШ КЪАВХЪУНУ

Ласнал, чIивисса бунугу, хъун-масса бунугу, хьинбала бувсса

«Илчи» – маслихIатчи



чIумал, ххуйсса даву дурсса чIумал, цIа дулуvara. Шарсса цаятура рязисса, цахра иминну, хIайранну дуруглагисса чIумал адаминаву-гу хьиннува ххуйну зунсса, къу-цу тIунсса гъира ххисала шай-ссар. Аьй дуван ччисса чIумалгу, мугъятну, ганавусса гъавас къалешанну дулуvara. Масалдаран, адаминал, шавату увккун наний-ни, зат хъамаритайсса, яла ганил хьирив махъунай кIура аяй-сса аьдат духурча, ганахъ, «Гъа, хIакъинугу (ттигу) ци хъамадир-три?» тIисса журулул рихшантран кIанай, учара: «Буссиявхха навагу вин му ачиннин дакъиний руган-на тIий, яла ттунмагу хъамабивтун бия», – куну.

Учин ччимур бювкъу-аьйлий тIун мабикIаванни.

ЗУХЪВА КУМАГ БУВА УЧИННИН БАЛУЦИ

Адаминан къаххирассар цува тIайла ацIан уллай, цахунма къюл-лай, цахъва ци ва цукун буван аьркинссарив буслай. Зухъва кумаг бува, чIарав бацIу учиннин балуцира. Адаминан ялунмагу шуркIал хъанан аьркинссар хъамитайпа цалва кумаграх мюхтажну бушиву, цалва хIарачатрайну ганил оьрму къулай хъанай бушиву, цал-ва ва цалла дурмунил къадру бушиву, цува ганин усса кушуй къамулну ушиву.

АРАМТАЛГУ ХЪХЪАРА БУККАЙССАР

Гъарца зат цилла дулла, аьркиннийгу-къааьркиннийгу кумаг буллан ххяхлахисса хъаннил чIарав арамталгу хъхъара буклан бикIайссар, укунсса хъаннил тарбия уллалиссар цаярасса жаваблвшинна чIири личIлачIисса адамина. Адаминаву гуж ва къуват ххисала цува чара бакъа аьркинши-ву бувчIлачIисса чIумалли. Хъанниву гъавас ххи шайсса цихара

аякъа дуллалисса чув чIарав усса чIумалли. Гъунгтий «Ванан хъумур цир, цичIав дуллан ччай акъар» къатIун, хIакъинува пикри буvara зура дантIимунил ялув.

АДАМИНАН КЪАЧЧИССАР ХЪАМИТАЙПАЛУЛ МАКЪ

Жунма, хъаннин, ххан бикIай, агарда ласнал хъхъичI аьтIурча, макъ ккарккун, адаминал жуйва цIими бувансса, жува тIимунийн ччяни биянсса. Адаминаннив къаххирассар макъ, цува мукъал ва къумашиврул багъанану хъуннаха тIисса пикрилул га ташвиш уккан увайссар. УттичIин адаминал хъхъичI макъ ккур учин дуваннин (хаснура манипуляция-лулмур макъ) ххуйну пикри булу-vara – укунний адаминал чулуха цIимилун кIанай цайми асарду сукку къахъун.

МАЗРАН – КЪАДАГЪА

Ласнай, аьркиннугу, къааьркиннугу, бювкъу-аьйрду мадуллари, мазрайн букI-букIмур тIун мабикIаванни. Зува увккунму буван къавхъуни, «вила ичIаллинсса, оьрчIансса чIун тачIаврагу къадикIай, ина та-ухъурчагу мува му ура, ина къюкIсса ура, мурчIисса ура, вил маз бакъар, кару дакъар» ва укунмасса журулул махъру маз-рая нани мабувананни.

МЮНПАТ

ХХИШАЛАССА МАХЪРУ

Ласнашласса ихтилатраву мюн-пат хъунтIиссар вай калимарттаа:

– Ва вийсса тахсир-багъана бакъар.

– На ххарира вихъ укунсса ихтилат бан бюхъаврия.

– Вихъ кIидарчIуну, ца дигъаларгуннихха ва ттул дакI.

– Ца талихI ина ушиву, ина ттун ласну Заннал нясив аву.

– Кулпат лащу-цаллу баншиврул ина буллалицири захIмат къачIалай нагу бакъассара.

P.S. Адамина ххуйну къуцу тIий, хъхъичIунай най ччай бухъурча, мунал лашинмуня къатIий, му дуван хъирив къалавмур кIицI къалаглай, чIирисса дунугу, дурмуний, хьинмуний, ххуймуний чIурчIав дулу-vara, мунал дурмунил бусрав зуцIава лавайну бушиву чIалачIи булуvara.

ХIадур бувссар Бадрижамал АБЛИЕВАЛ



Газета «Илчи» (Вестник)

Учредитель:
Агентство информации и печати
Республики Дагестан

Хъунама редакторнахлу:
БАШАЕВ Р.М.
Тел.. 65-00-07

Къардашов Р. Ав. Тел. 65-03-12
хъунама редакторнал хьиривма

Редколлегия:
Адамов Абдурахман
МахIаммадович
Аьлиев ХIажи Сулайманович
Исрапилов Артур Анварович
КъурбанмахIаммадов Чанкура
Рамазанович
Маммаев Сулайман
Нураттинович
МахIаммадов Юсуп ХIамидович
Хаппалаев Аслан Юсупович
Хасаева Гульшан Рамазановна
ХIажимирзаев Зиябуттин
Абусупьянович
Шалласуев Шалласу Рамазанович
Эльдарова Роза ХIажиевна

Отделлал редактортал:
Абдуллаева А. П.
Аьдилов ХI. А.
Рамазанова П. ХI.
Тахакъаева З. К.
ХIусайнаева К.А.

Подпискалул отдел:
Абдуллаев А. Къ.

Корреспондентгтал:
Абдурахманова З. Т.
Аьлиева Б. Д.
Саидова И. А.

Корректор:
АхIмадова А.И.

Кказитрал компьютерданул цех:
Абакарова К. Н.
ХIажиева З. У.

Кказитрай дурксса макъаларттаву кIицI лавгмур тIайлашиврул жаваб дулайссар чивчуманал. Редакция макъалалул залуннал пикрилий рязину бакъахурчагу, макъала рийшайссар, жяматрал цаламур пикри бусанссар тIисса ниятрай. Кказитрайн дуркIсса макъаларттайн рецензия къачи-чайссар ва ми залуннахъхун зана къадайссар.

Кказит буккайссар ножмардий цал. Шинай итабакъайссар 52 номер.

Кказитрал индекс. П7046
Тираж – 2200 экз.

Адрес редакции и издателя:
367018, г. Махачкала,
пр-т Насрутдинова, 1а
e-mail. ilchi@rambler.ru
http://ilchi.info
Тел./факс. 65-00-07

Газета «Илчи» зарегистрирована
Управлением Федеральной службы
по надзору в сфере связи, инфор-
мационных технологий и массовых
коммуникаций по РД.
Рег. ПИ № ТУ 05-00424
от 30.04.2019

Газета «Илчи» отпечатана
в типографии ООО «Издательство
«Лотос».
367018, РД г. Махачкала,
Пр-т Насрутдинова, 1а
Срок подписания в печать 19.00.
Подписано 19.00.
Цена свободная




ЧIунлахъиялун

КIяламиннул 2 ходрай мат дихълай бур.




хъф 2 фIч сфрIч I

МАХIАЧКЪАЛА



Гъавалул тагъар



ГЪУМУЧИ